

الغزالي



هذه النسخة حصرياً  
لمنتديات المكتبة العربية

[Http://www.TipsClub.net](http://www.TipsClub.net)

مصطفى محمود

الغزوات

www.alkottob.com

## اشخاص المسرحية

الحاجة زنوبة	: عجوز حول الثمانين
الحاجة هنومة	: اختها
مراد الشوريحي	: ابن زنوبة .. محام وصاحب أطيان
دكتور أحمد الشوريحي	: ابنها الثاني .. طبيب
نفيسة	: بنتها العانس
جيجي	: بنت مراد .. وحفيدة الحاجة زنوبة
شقيق	: زوج جيجي
مدوح	:
المهام	: أبناء جيجي
عادل	:
الأستاذ لاشين	: المخرج
الأستاذ السبكي	: المنتج
خادمة	:
فرقة الانقاذ	:
أطفال بلا أسماء	:

## الفصل الأول

غرفة جلوس مؤنثة على الطريقة القديية .. نجفة موديل قديم  
مدلاة من السقف .. أنسفال كانشاه معلقة على الحسانط .. ستارة  
مشغولة .. آية قرآنية فى برواز .. صورة للمرحوم الحاج  
الشوربجى .. كراسى عربية .. مبخرة يخرج منها دخان البخور  
وخادمة تضع البخور .

الحاجة زنوبة تجلس على سجادة صلاة تختم صلاتها بموشح  
طويل وإبتهالات ودعوات لأقاربها الأحياء والأموات .  
والحاجة زنوبة حيزبون سنها جاوز الثمانين .. ما زالت محتفظة  
بصحتها .. وما زالت تقطع الطريق من بيتها الى المقام الزينى  
الظاهر ماشية على قدميها وتصحو من الفجر لتصلى الفرض  
بفرضه .

يدخل الواد الكلب وهو مراد الشورجى راجل في

الخمسين يبدو عليه الوقار

- انت فين يا وله (تمد يدها ليطبع عليها قبلة الطاعة) ..

غطسان فين .. قبضت فلوس العزبة وعاوز تضرب عليها

عواى ..؟؟

- وده معقول يامه ..؟

- فين الفلوس .. إيدك

بضع يده في جيبه ويخرج حزمة من البنكوت

- أدى ٢٠٠ جنيهه

تأخذ البنكوت وهي تحملق في وجهه

- والباقي؟؟

- باقى إيه يامه؟؟!!

- يا راجل خلى في عينك حصوة ملح .. ميتين جنيهه من

ستين فدان .. يعنى إيه .. يعنى واحد في الفدان ثلاثة

جنيهه إيجار (تضع النقود في عبها)

- الفلاحين ما بيدفعوش يامه .. الدودة كلت القطن ..

والنيل غرق الذرة .. حايدفعوا منين ..؟

- يدفعوا زى ما بيدفعوا كل سنة .. وزى ما كان أبوك

الحاج الشورجى بيدفعهم

- دلوقت ما تقدرش نضغط ع الفلاحين زى زمان .. دلوقت

أيام .. وزمان أيام يا حاجة

- آمال إذا ما كنتش بحامى أبو كاتو وراجل قانون تعرف

القانون وحكم القانون ..

وحينا تزاح الستار تكون الحاجة مشغولة بمسبحتها تغمغم

بصوت أجنس مرتفع:

- لا إله إلا الله والحمد لله ولا حول ولا قوة إلا بالله الأمر لله

والملك لله .. يارب اجعل لى في كل خطوة سلامة واسترها

على في الدنيا وفي الآخرة واسترها على أولادى وأولاد

أولادى واقبل صلاتى واجعلها رحمة على أمواتى وأموات

أمة المسلمين أجمعين .. الفاتحة لروح أبويا في تربته ..

بسم الله الرحمن الرحيم الحمد لله رب العالمين الرحمن الرحيم

مالك يوم الدين إياك نعبد وإياك نستعين (تخرج فجأة من

الفاطحة وتخطب الحادمة بفضب):

- بنت يا سكينه .. فين الواد الكلب ..؟ ماجشاش لفاتية

دلوقت؟؟!!

- كلب مين يا سقى بعد الشر ..

- سيدك مراد .. مش قال النهاردة معاده حاجيجمع إيجارات

الأرض ويحبها ..

- ما هو جه ياستى .

- جه ..؟؟ إزاي .. جه فين وامتى .. وما جشاش ليه

عتدى .. أجرى انديه

تخرج الحادمة وتعود العجوز الى تسيبها

- يارب اجعل لى في كل خطوة سلامة واسترها على في

الدنيا وفي الآخرة واسترها على أولادى وأولاد ولادى

واقبل صلاتى واجعلها رحمة على أمواتى وأموات أمة

المسلمين أجمعين .. الفاتحة لروح أبويا في تربته ...

حاناخذ حقنا منهم ازاي.. حانحجز على إيه..  
المحصلو...؟؟؟!! مفيش محصلو.. مفيش في الأرض  
لوزة قطن توحد الله

- أيوه خش عليه يشغل اللارنجه خش.. عاوزنى أصدق إن  
مراد بن الشوريجي يرحم فلاح ويعذرني في قرش.. مراد  
اللي واكل لحمي بالحيا.. أنا اللي اسمي أمه.. مراد اللي  
ماصص دم البلد بالطاحونة اللي عاملها ع الجسر بيطحن  
بيسا فلوس.. وبياور الميه اللي بيسقى بيه الغيطان  
بالقطارة.. ومكنة الخليج اللي مداين بها كل كبير وصغير  
ومدورها على أرزاقنا.. هو ده مراد اللي بيعيطع ع  
الفلاحين وع اللي جرى للفلاحين.. وعاوزنى أصدق  
كلامك.. تكوتشي فاكرنى دقة عصفورة؟

تقاطعه بشدة وبصوت أجش صارم :

- الفلوس يا مراد.. مش عايزة كتر كلام.. تطلع تنزل  
تجيبهم من تحت الأرض.. أخر ميعاد لك بكره.. فاهم..  
إمشي انجر قدامي

تعطيه يدها ليقبلها قبلة الطاعة فيطبع عليها القبلة في غيظ.. ويخرج  
تعود الحاجة إلى مسبحتها وتنادى على الحادمة

- سكينه.. سكينه.. بت يا سكينه

- أيوه ياست

- اندهي لستك هاتم ( محادثة نفسها وهي تلوح بيدها في حزن )  
هاتم اختي فين.. ما عاdash لى في الدنيا غيرها.. هي اللي  
قلبها عليه.. وروحها فيه.. كلهم عاوزين ياكلوني

- إنتي شفتي الفلاحين يا حاجة..؟

- حد الله ما بيني وما بينهم.. أسوفهم أعمل بيهم إيه..

- لو كنتي شفتهم كنتي عذرتهم زيني

- بين بالله يا مراد يابن الشوريجي انك متساوي مع  
الفلاحين بتوعك دول.. واتنو الاتنين واكلين فلوسى  
ومتقاسمين حسق.. بق بدمتك الميتين جنبه دول هم كل  
اللي قبضته من إيجار الأرض..؟

يذهب إلى أمه ويقبل يدها باحترام

- عيب يامه أكل حقلك.. ده أنا من لحمك ومن دمك

- ومال عينيك فيها لوم كده.. يا خسيس.. أنا عارفه..

كلكم مستنئين موني النهاردة قبل بكره.. لكن لسه

بدرى.. لسه بدرى يا ولاد الشوريجي.

- ربنا يديكى العمر يا حاجة ومخيلكى.. يا رب اللي يتنى

موتك يجيله عزرائيل.. هو احنا من غيرك نعرف

نعيش.. ده انتي خيرنا وبركتنا.. وحيوبتنا (يشكها)

ومامتنا.. ودادتنا.. وتينتنا..

- وإيه كيان.. وإيه كيان يابن الشوريجي.. انت ناوى

تديني باقى الحساب كلام

- (محادثة نفسه على جانب من المسرح).. دا مفيش فائدة..

حا اعمل إيه في الولاية الباشمخضر دى..

- (مادة يدها) باقى الإيجار يا مراد يا شوريجي

- يامه الفلاحين السنة دى ع الحديدية.. والضرب في الميت

حرام.. الفلاحين لو دجنناهم مش حانطلع منهم ملهم..

- وتكون سوا والنبي .. وتشاهد الحبيب سواً وتحط إيدنا  
على شباكه .. يا حبيبي يا رسول الله ( تحط على كتفها في  
تودد ) ياخى من قدك .. حبيبي سبع حجات وطفنى السبع  
طوفات .. وطلعتى عرفات سبع طلعات .. من قدك  
يا زنوبه ياخى .. ياما نفسى أكمل حجاتى سبعة زيك ..  
ده انت مغفور لك فى الدنيا وفى الآخرة

- نفسى أكلمهم ثمانية ياهاتم عشان بيق لى قصر فى الجنة ..  
الشيخ مسعود بيقول اللى يحج ثمان حجات يتكذب له  
قصر فى الجنة .. فى الروضة القدسية جنب الحبيب .

- يا سلام .. ربنا يوعدنا

- ( تساور بيديها ) اوعدى يارب اوعدى

تدخل سكينه الخادمة .. تقف لحظة جوار الباب .. ثم تقول فى تردد :

- ستى

- فيه إيه ..

تقرب من زنوبه ثم تقول فى صوت خافت :

- خاله بهانه واقف ع الباب بتعيط

- يا عيني ياخى على بهانه واللى جراه .. إنها مات فى شبابه  
يا حصرتى عليها ( تنهه بدون دموع وتمسح عينها بتديل  
وتنهه معها هنومه .. وينخرط الانتان فى النهبة ) إنحطفت  
منها يا ضنانيا .. يا عيني يابى .. يا حرقه قلبى عليه ..  
( نهبة )

الخادم تقاطعها :

- خاله بهانه بتقول :

بالحيا .. كلهم طمعانين فيه .. مقيش غير هاتم هى اللى  
بتعطف عليه .. هى اللى بلاقيها جنى فى الحلوة والمره  
( تنادى ) .. يا هاتم .. يا هاتم .. يا هنومه .. هنومه ..  
تدخل هنومه .. وهى كركوبه مثلها .. سنبا هى الأخرى حصول  
التأمين .. عجوز .. كحكوحه .. وشعرها مسبوغ بالمناء وعليه مندبل  
أويه .. ومشيها بطيئة متفانة ..

- هنومه .. انت فىن ياخى بدور عليكى .. تعالى ( تجلس  
هنومه الى جوارها على السجادة ) .. ما يقاليش حد فى  
الدنيا غيرك .. الطمع ما خلاش فى الدنيا خير .. شياقه  
الواد الكلب عمل إيه .. خد إيجار الأرض حطه فى  
جيبه .. وقال إيه .. الفلاحين غلاية مش لاقين  
ياكلوا .. حايدفعوا متين .. قلبه على الفلاحين ..  
المجرم .. قتال القتلى ..

- كلهم كده ياخى .. ماشفتيش توفيق عامل فى إيه .. أهو  
واخد أرضى ببأجرها ومش طابيلة منه أبيض ولا أسود ..  
وفلوس باخدها منه شقارة ونقارة ( تلوح بيديها فى  
استسلام ) لنا رب اسمه كريم

- ربنا يحب الحق يا هنومه

- أهل الباطل ما خلوش لأهل الحق حاجة

- يا ويلهم من ربنا .. يا ويلهم ..

- الحمد لله عشنا طول عمرنا بالحق .. ربنا يحيينا على الإيمان  
ويعيتنا على الإيمان

- نفسى أبح الستة دى يا هنومه

- يعطف عليه .. مفيش حد يقولى يا زنوبة مالك ..  
 يا زنوبة عاوزه إيه .. نفسك فى إيه .. (نهبة)  
 ماعندهش إلا يازنوبة هاتى .. يا زنوبة أدفعسى ..  
 يا زنوبة سلفيى .. يا زنوبة أدينى .. كل واحد عاوز  
 ينهينى .. كل واحد عاوز يورثنى بالميا .. كل واحد  
 حاطط عينيه على القرشين الى محوشاهم  
 - وانت محوشة إيه يا حسرة .. مش القرشين بتوع  
 - بتوع خرجتى ياختى واللى ما فى غيرهم .. خايقة لأموت  
 ويشيعونى زى الكلية .. من غير صوان .. من غير  
 نصبة .. من غير قفها عليهم القيمة يقسروا فى ليلة  
 وحدق .. من غير ما يطعموا يتيم على روحى . نفس أبنى  
 لى مدفن غير المدفن المهودود اللى زى الخرابة اللى بترمى  
 فيه أمواتنا كأننا بترميم فى مدلق زبالة ..  
 نفس أبنى لى مدفن عليه القيمة .. فيه حوش ومندرة  
 وتركيبه رخام ونور وميه وحوض فيه زرع .. طول  
 عمرى محب الحضرة .. ونفسى أموت وجننى حضرة  
 تمسك بأختها هاتم من بديها وتنسب بها فى شدة وهى تزهأ :  
 - أمنتك أمانة يا هاتم يا بنت شعراوى لومت قبلك لتكون  
 خرجتى من عندك .. إنت اللى تطلعينى بإيديكى دول ..  
 - يوه .. يا زنوبة ما تقوليش كده ياختى .. أنا فى قلب أجمع  
 الكلام ده ..؟؟ إلهسى يا رب ما أعيش .. ولا أنسوف  
 اليوم ده أبداً ( تلوح بذراعها فى حركة ندب ) إلهسى  
 ما أعيش ولا يوم بعدك أبداً ياختى ... يا حبيبتى ياختى .  
 وأنا بيتق لى مين بعدك ياختى ..  
 زنوبة تنسب بها أكثر وأكثر ..

- يا عيني ياختى على بهانه واللى جرالها ( نهبة )  
 - خاله بهانه بتقول  
 - كان مستخيلك ده كله فىن يا بهانة .. يا ميلة  
 بختك يا بهانة  
 - خاله بهانه بتقول الحنة الأسورة اللى عندها مرهونة ..  
 ومفيش عندها ولا مليم فى البيت وبدها تسألك فى جتية  
 سلف تشتري بيه دره للعيال  
 تفيق زنوبة فجأة من النهبة وتتحول لهجتها إلى لهجة خشنة جافية .  
 - جتية ..؟؟!! وما فهمتاش ليه يا سكينه .؟؟ وأنا  
 حاجيب لها الجنيه متين .. وأنا قاعدة لها على كاز .. وأنا  
 بازرع والا باقلع .. مش لها راجل بيجرى عليها  
 - بتقول حا تاخد الجنيه سلف . وحاترده على أول البرسيم  
 - السلف تلف والرذ خسارة .. وهى لاقية تاكل عشان ترد  
 اللى عليها  
 - زكا عنك ياسسى .. كأنك طلعتيه شه .. دى غلبانة  
 ولا لهاش حد  
 - طلعت روحك من جتتك .. أمشى انجبرى بره انتو مفيش  
 حواليكو إلا النشحاتة .. انتو مفيش وراكو إلا حلب  
 الفلوس .. الفلوس .. الفلوس .. ما حدش يحش لى  
 إلا عشان يجيرجر فلوس .... إمشى انخنى من قدامى ..  
 إوعى تورينى خلقتك تانى  
 تخرج الحادم .. وتعدو زنوبه تنسبل بيدها  
 - كلهم طمعانين فيه .. كلهم عايشين معايا على طمعة ..  
 أدى انت شايقة مفيش حد يبحن عليه .. مفيش حد



- حلفتك بالنبي اللى زرتيه وحطيتي إيدك على شباكه ..  
ما حد يطلعنى غير إيديكى دول .. عاوزه طلعتى تكون  
طلعة أهبة من مقام بيت شعراوى .. ومن مقام الحاجة  
زنوبة مرات العمدة وأم الرجالة وجدة الولاد الحلوين اللى  
منورين الدنيا ..

- يوه .. ياخى برة وبعيد .. إنى فىن والموت فىن ..

زنوبة تنتسب بها أكثر وأكثر ..

- الفقها لازم يكونوا من الفقها بتوع الإذاعة .. والعجول  
لازم تندبح للفقرا على طول الطريق من مصر لسيون ..  
والدوار فى بسيون يتفتح للمعزين ياكلوا طول  
الأسبوع .. سبعة أيام بلياليهم .. والجنابة تطلع قدامها  
صفين عسكر زى جنازة المرحوم الحاج شعراوى ..

- والطقم المذهب بتاعى يتحط فى المدفن وحرير الكفن  
والليف والصايون والحنة أنا شارياه على يدك واتى  
عارفه هو فىن وعارفه غموشة العمر فىن .. كل شئ على  
يدك يا هاتم ياخى .. مفيش حاجة خافية عليكى ..

حلفتك بالكعبة اللى طفنتها ما تخلى مليه من فلوسى  
ما تصرفوش على الطلعة الأبهة اللى تشرفنى .. عاوزه  
أموت موتة من قيمتى ولا يطلعنيش الكلاب اللى  
بيتقاتلوا على مالى وبيعضوا فى لحمى بالحيا .. وصيتك  
أحتك زنوبة .. مش عاوزه جتتى تترسى فى حفرة وتنتفضى  
بالتراب .. لو طالوا فلوسى حا يعملوها والنبي ياخى ..  
حا يقسموها بينهم ويستخسروا مليه فى يتيم يقرأ على  
تربتى ..

زنوبة تربت على كنفها فى حب ..

- ياحنينة ياهنومه .. يا طيبة ياهنومه (تنهه وتيكى على  
كنفها) يا حبيبة العمر ياهنومه .. ما يورثيش فيكى  
يوم وحش أبدأ .. ما أشوفنى فيكى اليوم ده أبدأ ..

هنومة ما زالت تنهه ..

- وصيتك طلعتى ياخى .. ماتسببينيشى لهم ..

- يا طيبة ياخى .. يا حنينة ياخى (تعتدل فجأة فى جلستها  
وتتكلم فى جدية) .. ولا يكون عندك فكرة .. أنا مش ناسية  
حاجة .. أنا من يومين مكلمة السمسار عشان يشوف لنا  
قبراطين فى القرافة وعاطية له عربون .. وحياتك لنيى  
مدفن معتبر بجوش ومندره وتركيبية رخام زى مدفن جدى  
الشيخ شعراوى مكتوب عليه القرآن بمية الذهب .. مدفن  
أهبة يحكى الناس ويتحاكوا عليه ..

تنظر إلى أختها فى انتصار وهى تنغمم ..

- خسارة فيهم اللب اللى نسيه ..

- أى والنبي خسارة فيهم ..

زنوبة ترفع يديها إلى السماء ..

- بس لى طلب واحد يارب قبل ما أموت .. نفسى أزور  
النبي وأتلى بنوره .. وأحطط إيدى على شباكه .. حجة  
وزيارة يارب ولا يكثر عليك ..

- سوا والنبي سوا .. إيدى على إيدها يارب ..

أصوات مشاخرة حادة تسمع من خارج المسرح .. زنوبة تسمع ..

- ياخى .. مين اللى يزعقوا دول (تنادى): بت

ياسكينه .. ياسكينه .. سكينه ..

تدخل الخادم ..

- مين اللي بيتخانقوا عندك؟

- سيدى الدكتور وسيدى مراد ..

- ياختى .. هم ما بيطلوش خناق ..

- مش مولودين فوق رأس بعض ..

- قطعوا .. وقطعت خلفتهم .. لو كنت أعرف اللي حاشوقه

من وراهم كنت قعدت عليهم بططيم ( ترغ صسوتها

منادية ) ياواد يا مراد .. ياواد يا أحمد .. وله يا كلب ..

يدخل الكلب .. والكلب هذه المرة هو الدكتور أحمد .. رجسلى فى

الأربعين له وجه صريح صاف .. وهو يجير وراه أخاه مراد .. وهما

ما زالوا يتناقشان بمجة :

- تعالوا يا غجر ..

تقد يدها لهم فى طريقة آية فيسارح الانتان إلى طبع قبلة الطاعة

عليها .

أحمد - مساء الخير يا نينه ..

- مساء النور مالكو بتهبها كده .

مراد - تصورى يا حاجة إنه عاوز ياخذ منى خمسين جنيه تبرع

عشان مشروع المستوصف الشعبي اللي حا يعمله لجلس

يداوى العينين ببلاش .. تصورى الجهل .. هى تكية ..

ملجأ .. وقف .. إنت فىن يابنى .. إنت نايم .. إنت فى

سنة ١٩٦٢ ، انتهى خلاص زمن التكايا والملاجيء .

- هو حرام يعنى الواحد يعمل حساجة لله .. ثم أنا مش

حامل الكنتش ببلاش .. أنا حاعمل كنتش رخيص ..

تذكرة بشلن يخش بها العيان يكشف ويتعالج .

- ها .. ها .. ها .. ها .. آل تذكرة بشلن .. آل .. ده الخلاق اللي

فارش فرشته على ناصية كوبرى الملك الصالح بيحلق

القفا بشلن .. بيق كشف إيه اللي بشلن .. ده ضرب

الرمل بشلن ..

- طبعاً .. واحد زيك ساف مال البلد بالاحتياش مش ممكن

تقدر تفهم ازاي تبق فيه ذمة فى الدنيا ..

- ذمة إيه يا جدع انت .. انت عاوز تكذب عليه والا على

نفسك .. الشلن ده ازاي حاتقدم بيه خدمة طبية ممتازة

للعيان .. حاتعمل له إيه .. حاتحس عليه والا تكتب له

رواندا وصودا ..

- تأكد أن معظم الأدوية الغالية اللي بيشتريها الأغنياء

العيط اللي زيك بجنيهاات .. ما تزيدش فى تركيبها عن

الرواندا والصودا والسلامكة ومسحوق العرقسوس وبذر

الحللة .

- بقى ده كلام دكتور مثقف متعلم .. بقه بالذمة مش

خسارة فيك السبع سنين اللي تعلمتهم فى كلية الطب ..

بقه بالذمة إيه الفرق بينك وبين أمنا الحاجة .

زنوية - ما لها الحاجة يا كلب ..

يسارح إلى تقبيل يدها كالمعتاد ..

- أمى وسقى وعينى وتاج رأسى ..

أحمد - تأكد إن العلاج أرخص بكثير مما تتصور .. فزارة

البنسلين فى الجملة سعرها ٣ مليه ... قرص الفيتامين فى

الجملة سعره ٣ مليه .. الكينا والحديد أرخص من مواد

تغور وتغور فلوسك .. أنا حاروج أخذ تبرع من نيته ..  
من أمى الحاجة .. من حبيبتى .. وحياتى .. وروحى  
وقلبى ..  
يذهب الى أمه فتنظر إليه تنذراً ..  
الحاجة زنوبية - إيه الموشح ده كله كان .. حبيبتى .. وحياتى ..  
وروحى .. وقلبي .. إيه .. عاوز إيه ياوادم ..  
- عاوز تبرع فى مشروع المستوصف اللي حافظه لعلاج  
الفقرا .  
- هى سورة تبرعات ياوله .. دنا لسه دافعة قرش صاغ  
تبرع ( تنظر إلى أختها ) .. كان تبرع إيه ياهنومة الى  
دفعنا فيه قرش .. أه ( تصرخها ) .. اللهم صلى عليك  
يا نبي .. كان ..  
- جمعية رعاية السبيل ..  
- أيوه جمعية رعاية السبيل ( تلفت حولها ) مين يا خويا  
السبيل ده ..  
- أولاد سبيل إيه يا حاجة .. دى جمعية كلام فارغ .. أنا  
مشروعى أنا حاجة تانية .. أنا حافظح مستوصف لعلاج  
المرضى الفقرا ..  
زنوبية - المرضى الفقرا ياخويا لهم ربنا .. وانت مالك وماهم ..  
- مالى وماهم ازاي يا حاجة آمال أنا دكتور ازاي .  
- انت دكتور ميري عليك القيمة .. مالك انت ومال  
الفقرا .  
- يا حاجة ماتقوليش كده .. ده انتى مصلية وعارفة القرآن  
وربنا وصانا على الفقرا والمحتاجين ..

العطارة .. استغلال التجار هو اللي خلق الرعب فى  
الأسعار .. تأكد إن احنا يوم ما نعمل الكشف بشلن  
والدوا بعشرة صاغ حانكسب .. أنا حانكسب شهرى مش  
أقل من ٦٠ جنيه غير ماهيتى الي باخداهم الحكومة ..  
حايبق إيرادى أكثر من ١٠٠ جنيه .. ماهم !!  
- وليه ما يكونش إيرادك ٢٠٠ جنيه .. وليه ما يكونش  
٣٠٠ جنيه .. وليه ما يكونش ٤٠٠ جنيه ..  
- لأن الدنيا مش مكسب ويس .  
- ( فى سخرية ) أه ..  
- أنا مش فاهم ليه واحد زيك يبق طباع ، عندك ١٠٠ قدان  
وماكينه حليج وواهور ميه وعندك كفايتك من كل شى  
يبقى إيه لازمة الطمع .  
- وأنا مش فاهم ليه واحد زيك ما يكونش طباع .. مش  
بى آدم زينا !!؟ والا من أولياء الله .. والا ناوى تشتغل  
مبشر فى مستوصف ال .. الشعب .. بتعاك ده عثمان  
الى ما يخفش بالحقن .. تغنى عليه بالكلام .  
- والله يا أخى ما نافع فيك غنا .. ولا نافع فيك حقن ..  
بقالى ساعتين باشحت منك خمسين جنيه تبرع لله ..  
للمرضى الغلابة .. اللي ما لهمش حد .. ساعتين بأحاول  
أحسن قلبك مفيش فائدة .. كأتى باكلم فى حيطه ..  
صحيح اللي زيك ما تنفعض فيهم إلا القوة .. القانون ..  
أما اللوق فهو مع أمثالك شحاته .. أسفخص على  
أمثالك ( ييصق مشمراً ) .. أنا مش عاوز منك ملهم ..

- ونعم كلام ربنا يا خويا ..

- طيب إيدك بقه على خمسين جنيه عشان نمشي على كلام ربنا .

٤ تحيط على صدرها ..

- خمسين إيه؟! .. يالھوى (تنظر الى أخيا هنومه في فزع ثم

تبدأ في التهنئة من جديد) .. شايقة يا هنومه ولادى

بيعملوا في ايه .. كل واحد بيخش لى على طمعه (تنهه)

يا عينى عليه وعلى بخسى .. حتى ولادى .. ولادى ..

ماليش بخت فيهم (تنهه) وده بدال ما تمد إيدك في خمسين

جنيه تديهم لى .. وتقول لى .. خنى يامه دول عشانك ..

وده بدال ما تاخذ لى حتى من اللى بينهبونى ويسرقونى

واللى ما تبطلش لهم قولة .. هاتى .. كمان تيجى انت

تقولى هاتى يامه ..

أحمد - يا حاجة انتى محوشة .. ومستورة .. ومشي محتاجة لى

ولا محتاجة جنس مخلوق .. حا تودى فلوسك فىن ..

- (تنهه) أنا محوشة عشان أزور النبي يا خويا وأحط إيدى

على شباكه .. وأعلم بنوره مش بخلفتكو العكرة .. محوشة

عشان أقيم الفرض اللى ربنا فرضه عليه ..

- يا حاجه انتى حبيبتى بدل المحجة سبع حججات وقت بدل

الفرض سبع فروض ..

- اللى بيشفو الحبيب ما يشبعش منه يا خويا .. ده شوق

ما يعرفوش إلا اللى شافه .. إلى زيك ما يعرفوش ..

- ياسسى الفلوس كتير والحمد لله .. يعنى خمسين جنيه

حايقتصوا اللى تحت البلاطة ..

- (تبدأ في اللطم والعديد) شايقة يا هنومه ياخسى ..

بيحسدونى على اللى معايا .. ويعسدوا عليه فلوسى ..

عاوزين ينهبونى .. عاوزين يسرقونى (تبتكى وتنهه)

يا عينى عليكى يا زنوبة وع اللى جرالک

هانم - (تنسخط في أحمد ومراد) دهدى .. ما تزاحوا من وشنا

بق .. هو احنا حاشيل همك كبار وصغار .. مش كفاية

القلب اللى شفتاه في تربيتكم

الحاجة زنوبة

- مفيش وراهم إلا الخسارة .. اللى يطاوعهم يبيع اللى

وراه واللى قدامه ..

هانم - وياريتنه يتمر .. إلا على رأى المثل .. إيد طويلة ولا حمد

ولا جميلة

أحمد - يا حاجة .. انتى لك مين في الدنيا غيرنا .. مش احنا

ولادك وأحبابك .. وفرحتك هي فرحتنا .. وسعادتك هي

سعادتنا .. ومصاحتك هي مصاحتنا

زنوبة - لأ .. إبعد عن المصلحة دى .. خلى المصلحة في حالها ..

قال مصلحتى قال .. إسمى يا هنومه إسعى .. قال

مصلحتى قال ..

هانم - يا خويا حل عنها بق .. مشروع إيه اللى انت جاي تسرح

بييه عليها .. وهي مالها ومال الفقرا .. ده ملك منظمه

سيده .. اللى بيريد له الفقر بيفتقر واللى بيريد له الغنى

بيفتى .. وانت فاكر نفسك تقدر تشقى غلة ..

أحمد - طيب ودينى يا حاجة هانم ما حديكى حقنة السكر النهارده

وخليكى كده .. قاعدة من غير أكل ولا شرب .. أما

أشوف مين فينا حيقول .. الله حق ..

زنوبة - شوفي ياخني الواد الجاحد .. مستخسر الحقنة في خالته .

أحمد - أنا مش مستخسر الحقنة في خالي .. أنا عاوز أدى الحقنة

لكل الناس اللي محتاجوها .. عاوز أعالج كل الناس ..

جريمة دى .. أجمرت في حق الإنسانية .

ضجة عيال وتهريج وصفافير خارج المسرح

تدخل جيجسى « بنت مراد » امرأة في الثلاثين بمنلة حبوية وأنونة

شعرها مصبوغ أحمر .. والبودرة والروج على الآخر .. والفستان محزق

وشكلها أرنيست .. ومعها زوجها الأستاذ نسفيق .. وأولادها محذوح

والهام وعادل يحملون تورنه كبيرة فيها ٨٢ شمعة موقدة .. ووراهما

الأستاذ السبكي المنتج والأستاذ لاشين المخرج .. والعمة العانس

نفسه .

والأولاد يغنون لجدتهم احتفالاً بعيد ميلادها الـ ٨٢ والحفلة مفاجأة

دبرتها جيجسى .. مفاجأة للجميع حتى الجدة الحساسة زنوبة نفسها التي

لا تذكر متى كان ميلادها .

صباح .. صراخ .. تصفير .. تهريج ..

هيه .. هيه .. هيه ..

اللى يحب جدته يقول .. هيه ..

هيه ( صواربخ وصفافير )

غناه ( جيجسى تقود الكورس )

جدتنا الحساسة زنوبة

الحلوة الزينة الحبوية

مبروك ميلادك الليله

تهانينا من كل العيله

عقبال ألفين ألفين ليلة

هيه .. هيه .. هيه ..

اللى يحب جدته يقول .. هيه

هيه .. هيه ( صواربخ وصفافير )

الأولاد يهجمون على جدتهم ويسلقون أكتافها ويوسعونها عناقا وتقبيلا

يا لله نطق شعوع جدتنا

ننفخ فيها .. بقوتنا

يارب خليها .. حبيبتنا

ينفخون الشموع حتى تنطفئ

الحاجة زنوبة تفتح ذراعها لتستقبل حفيدتها جيجسى في فرحة وتقبلا

في كل مكان من وجهها وشعرها

زنوبة - يا خدوجتى يا كتكوتتى يا قاطق الحلوة .. ربنا يخليكى لى

انت ألف سنة .. ( تنظر إلى ولديها أحمد ومراد في غيظ )

ما جاتش منهم .. ما جاتش من الرجالة الكبار المتعلمين

اللى ييحسبوا ويكتبوا ويعرفوا الواجب ( تعود إلى تقبل

حفيدتها ) .. كفاية إنت لى فى الدنيا .. يا حلوه ..

يا قطة .. يا جيجسى ..

تضع يدها في عبا وتخرج حزمة من أوراق البنكوت وتعطى ورقة

مخمسة جنبات لكل ولد من أولاد جيجسى .. في فورة من الفرح .

- خدوا ياولاد .. افرحو وغنوا .. وادعو لجدتكم ..

- هيه .. هيه .. اللى يحب جدته يقول .. هيه ..

أحمد ومراد يصيحان .. هيه .. ويمدان يدهما فننظر إليها الجسدة في

شامة ..

- لا .. ده بعدكم

تخرج حزمة أخرى من البنكوت وتعلمها لجيجي

- دى عيديتك انتى يا جيجي .. يا قطنى .. يافلتى

تبدو من معاملة الحاجة زنوبة لجيجي أنها منيعة بها .. معجبة بجهاها  
وتبذلها .. ويبدو من نظراتها أنها تتذكر شبابها .. وأنها تمنى لو أنها  
كانت بهذا التبذل .. وهذه الحرية ..

مراد يمس لأحمد على جانب المسرح

- ماقدرتش انت تطلع الفلوس دى بمشروعك بتاع

مستوصف الشعب .. دلوقت طلعت الفلوس للست

جيجسى .. فاتنة الزمالك .. (مقددا أمه) لقسطى ..

وقلتى ..

أحمد - ومين الرجل التخين اللى جاى معاها ده

- الأستاذ لاشين المخرج اللى اكتشفها .. اللى اكتشف الوجه

الجديد .. جيجسى فاتنة الزمالك ..

- والأصلع الثانى ده مين

- ده الغنى التيم المغرم .. الأستاذ السبكى المنتج اللى

بيصرف على الاتنين ..

- وجوزها الأستاذ شفيق راضى بكده

- أصل جوزها بيقى الأستاذ .. شفيق (يقوم بحركة مخننة وهو

ينطق الأستاذ شفيق بما يعنى أن الأستاذ شفيق مخنت)

- شئ لطيف

جيجسى تقطع التورته .. وتعطى قطعة كبيرة للأستاذ السبكى وهى

تبتسم وتبادلته نظرة كلها غزل .. تصيح فجأة وهى تقطع قطعة أخرى

من التورته وتضعها فى طبق ..

- جوزى جيجي فين .. فين .. شفيق .. شفيق .. يا شفيق ..

يا شفيق .. إنت رحمت فين ..

زوجها الأستاذ شفيق ينسق طريقه إلى طبق التورته وسط الزحام

- أنا هوه يا جيجي

ياخذ منها الطبق وينهمك فى الأكل ..

الحاجة زنوبة فى حالة نشوة بنفسها .. وهى قد نسيت تماماً السبحة

والسجادة .. وبدأت تتجول فى فرح بين العيال كأنها طفلة منلهم تقطع

من تورته .. وتأكل .. وتغنى .. وتدندن بصوتها ..

الحاجة زنوبة - هيه .. هيه

اللى يجب جدته يقول هيه ..

قولو ياولاد معايا .. اللى يجب جدته يقول إيه ..

الأولاد - يقول هيه ..

تتذكر هنومه

- هنومتى .. تعال يا هنومتى .. انتى فين

تقطع قطعة كبيرة من التورته لأختها وتناولها وما تعانقان جيجسى

تبحث بعينها

- بابا .. أنا نسيك إنت فىن .. إيه واقف لوحدك بعيد كده

ليه مع عمى ..

مراد - بتتفرج

- بتتفرجوا على إيه ؟

- على الدنيا .. إنتى حققت النهاردة نجاح ما حصلتمى .. أنا

أحسدهك .. من يوم ورايح لازم تعلمين ازاي بتعيشى فى

الدنيا كده إنتى مدهشة

- أعلمك؟! العفو... دنا تربية إيديك

أحمد - أى والله تربية إيديه فعلاً  
مراد - إنما قوليلى إزاي عرفتي إن الهسارة عيد ميلادها.. إيه  
اللى فكرك؟..

جيجى - (هامسة) عيد ميلاد إيه بابا.. سلامة عقلك.. هي  
جدتي لها ورقة ميلاد...؟؟؟.. دى من سواقط القيد  
مراد - الله أمان

يفتح فة فى دهشة ثم يضحك وقد اكتشف النكتة كلها

- الله يجازيكى.. وعجائزى شيطانك.. انتى اخترعتى الحكاية  
دى كلها...؟؟؟.. الله يجازيكى.. ها..ها..ها..

أحمد يضحك..

جيجى تضحك..

الثلاثة يضحكون معاً طويلاً

مراد - والوليه المخرفة صدقت

يستغرقون فى الضحك من جديد

جيجى - حاسعمل إيه.. الواحدة بتحتاج قرشين من وقت  
للتانى..... مصاريك كترت

يعلو صوت الأستاذ شفيق رقبياً حاداً من أقصى ركن المسرح:

- تصوروا إهنا عمالين ناكل ونفسي وناسيين إن القيامة

حاتقوم الليلة دى

السبكي- قيامة إيه.. إنت بتصدق تخاريف المنجمين الهنود

- ده مش المنجمين الهنود بس.. ده كل مرصد العالم قالت

إن كواكب المجموعة الشمسية حاتترص صف واحد طوله

٥٠٠ مليون ميل

السبكي- طيب وإيه يعنى ما تترص يا أخى.. ما هي طول عمرها  
بتترص مرة بالطول ومرة بالعرض ومرة دائرة.. إيه يعنى  
شفيق - لا يا سبكي بك.. دى حاجة بيقولوك إنها ما بتحصلش  
إلا مرة كل ألف سنة

السبكي- العالم موجود من ألوف السنين ما قامش قيامته ليه مع ان  
الكواكب اترصت بدل المرة ألف مرة

شفيق - ما كل مرة تسلم الجرة

لاشين - لأ والعجيبة إن المنجمين العبط صدقوا نفسهم وطلعوا  
فوق الجبال وطلع معاهم آلاف الهنود عشان يباتوا الليلة  
دى فى الخلا

شفيق - طيب افرض ان القيامة قامت بصحيح

لاشين - أعوذ بالله

جيجى - عمى نفيسه تفرح أوى لو قامت القيامة.. طول عمرها  
كانت بتقول لنا يا رب تقوم قيامتكم ياوالاد

نفيسه - ( تتكلم لأول مرة وهي عانس حول الأربعين.. قبيحة.. فى  
ملاحظها حقد ومرارة..) الناس كفروا.. والنسوان  
فجروا.. والعالم ضل.. لازم تقوم القيامة ويستقر أهل  
النار فى النار.. وأهل الجنة فى الجنة.. عشان كل واحد  
يأخذ جزاءه..

جيجى - وانت من أهل الجنة والا من أهل النار يا عمى

- أنا من الجنة اللى إنتى مش منها يا خديجة يابنت أخويا

- طمتمتى الله يطمنك (ضحك)

مراد هامساً لأحمد على جانب من المسرح:

مديون للأستاذ مراد .. التي مش مديون يرفع صباحه  
 ( لا أحد يرفع صباحه ) شوف الجامع مدينين لك إزاي ..  
 شوف خدماتك في كل مكان إزاي يا منقذ البشرية  
 جيبي - بابا مساهم في كل المشاريع الخيرية في البلد .. بابا أكبر  
 راجل خير في الدنيا .. اوعى تتكلم  
 أحمد - هو فعلاً مساهم كبير .. له ألف سهم في الشركة العقارية  
 وألفين سهم في شركة الزيوت وتلات آلاف سهم في  
 شركة سيجارات وأربعة آلاف سهم في شركة سيلوس  
 للتعدين .. حد يقدر يتكلم ..  
 مراد - مش أحسن من الانترنت بتاعتك .. لو كل واحد كان  
 من كبار المساهمين زيي .. ما كانش بقى في العالم مشاكل  
 ولا أمراض  
 أحمد - إزاي بقه .. ده مشكلة العالم سببها كبار المساهمين  
 أمثالك .. العالم بيحارب بعضه عشان أمثالك  
 مراد - بالذمة يا اخواننا الراجل ده مش مجنون .. بالذمة مش  
 لازم القيامة تقوم عشان تأدب المجانين اللي زي دول ..  
 شفيق يتذكر حكاية القيامة فعود إلى التعليق بصوته الحاد الرفيع  
 - من حيث ان القيامة حا تقوم فهى فعلاً حاتقوم .. أنا  
 ورئيس جمهورية بورما شخصياً متأكدين إنها حاتقوم  
 الليلة .. تصوروا إن رئيس جمهورية بورما أطلق سراح  
 ٦٠٠ حيوان منهم ٣ خنازير و ١٥٠ حمامة و ٣٠٠ كابوريا  
 و ٥٥ سمكة وقفل السلخانة تلات أيام عشان الآلهة تأجل  
 يوم القيامة  
 مدوح وإلهام وعادل أولاد شفيق يتراوح سنهم من ٩ إلى ١٣

- مش كنا شفتنا لأختنا عريس عشان تبطل تدعى علينا  
 بيوم القيامة ..  
 - وإيه الفائدة .. لو كنا جوزناها كان جوزها دلوقت هو  
 اللي بيتمنى تقوم القيامة  
 - على رأيك  
 شفيق ما زال يتكلم عن يوم القيامة .. وهو الآن قد أخرج صحيفة  
 من جيبه .. وأخذ يقرأ فيها ..  
 - تصوروا إن المرضى في الهند رفضوا إجراء العمليات  
 الجراحية انتظاراً ليوم القيامة .. والتلامذة بطلوا يروحوا  
 المدارس  
 الحاجة زنوبة ابه الكلام الفارغ اللي يتقوله ده .. قيامة إيه .. حد  
 دخل علم الله .. وفيه علامات الساعة ..  
 هي الساعة مش لها علامات .. فين المسيح  
 الدجال  
 أحمد يشاور على مراد ثم يقوده من كتفه الى منتصف المسرح  
 - المسيح الدجال أهوه .. اقدم لكم المسيح الدجال ..  
 الأستاذ مراد الشورجي .. راجل طيب جداً زي دودة  
 القطن .. هو اللي بياكل قطن الفلاحين في بيسيون كل  
 سنة ..  
 مراد - دودة القطن أحسن من دودة العلق الطبي اللي يتمص دم  
 العيانيين شلن شلن يا دكتور أحمد  
 أحمد - المسيح الدجال مستعد لتوصيل السلف والرهونات  
 والكبيالات والمجوزات إلى المنازل .. حد منكم مش



يتصاحبون في وقت واحد

الهام - أنا خايغه يا بابا

ممدوح - بلاش سيرة القيامة دي .. السيرة دي بتخوفني

عادل - يعني إيه يا بابا القيامة؟؟ .. يعني كل الناس توت ..؟؟

يعني احنا حانوت يا بابا .. يعني مفيش بكرة

أحمد - ما تخافوش .. القيامة حما تقسوم علينا احنا بس .. مش

عليكم انتم يا كتاكيت .. إنتو لسه عندكو بكرة .. وبعد

بكرة .. وبعد بعد بكرة .. مش كده يا مراد بك

مراد - إنت راجل مجنون

أحمد - أبوه أنا راجل مجنون .. أنا عارف اني راجل مجنون ..

وانت كمان راجل ميت .. انت ماثي على رجلك لكن

ضميرك ميت .. بص في المرآة .. شوف شكلك مخنط

ازاي ..

الحاجة زتوبه - خد فلوسى الراجل ده .. خد فلوسى (تساور على

مراد)

أحمد - ميت خد من ميت .. حاتروح الفلوس فين .. ما تخافيش

يا حاجة على فلوسك .. فلوسك حاتوصل لأصحابها ..

الحاجة زتوبه - (تنهه) فلوسى .. فلوسى .. فلوسى .. كل واحد

بيجيبنى على طمعه .. كل ما أسلم على واحد أعد صوابي .. كلهم

بيسرقوني .. مش فاضل لى غير هنومه .. أخنى الحنينة

الحلوة .. الطيبة .. الأصبيلة ..

أحمد يقدم لها قطعة من التورته

- كلنى من تورتهك يا حاجه .. عشان تعيش ألف سنة كمان

وتشوفنى وولد وولد وولدك ..

زتوبه - أنا عاوزه أزور النبي .. عاوزه أفلى بنور الحبيب .. مش

عاوزه أشوف خلقتك ولا خلقة ولادك .. ابعده عنى انت

وأخوك ..

جيجى - حاتأخذينى معاكى يا جدتى عند النبي

زتوبه - أخذك يا قفوطى .. يا خندوجى

جيجى - أنا عاوزه أروح معاكى .. عشان أمثل .. حاسم مثل دور

جارية عربية .. مش كده يا أستاذ لاشين مش دورى في

الرواية جارية عربية

لاشين - لأمش جارية عربية .. جارية تركية في بلاط أمير شرقي

جيجى - (مبسوطة جداً تصفق بيديها) .. الله .. وبصدين ..

حاصمصل إيه .. احكيلهم على الدور يا أستاذ لاشين

لاشين - حاجبلك الأمير ومخطفك ويهرب بيكى في الصحراء

جيجى - (فرحانة جداً) .. الله ..

لاشين - وبصدين تتوهوا انتو الاتنين في الصحراء .. وتقعوا في يد

عصابة من قطاع الطرق وتحصل معركة ومبارزة بالسيف

بين الأمير ورئيس العصابة

جيجى - الله .. ويتنصر الأمير على رئيس العصابة ..؟؟

لاشين - لأ .. المنتج رايه إن الأمير يقع جريح عشان تبق الرواية

مشرية أكثر .. وتعلق المتفرجين أكثر

جيجى - فكرة هائلة

المنتج يتبسم لها وينحنى شاكرأ في خجل وتواضع

لاشين - ورأى السبكي بك إن احنا نعمل تابلوهات رقص في قصر

الملك .. ونعمل لقطه في مخدع الأمير .. لقطه فيها

إغراء .. وسكس .. ودلع

چيچي - ( تصفق ) الله .. جنان

لاشين - وزوجة الأمير تضطك وانتى في أحضان جوزها وتهجم  
عليكى بضوافرها وأستانها .. وتشد شعرك .. وانتى  
تهجمى عليها وتشديها من شعرها وتجرجرها على الحمام ..  
وتختفيها

چيچي - آياه .. روعة .. دى تبقى رواية ما حصللتش .. دى  
تكسب مليون جنيه .. تكسح السوق .. إيه الأفكار دى  
يا سيكى بك .. ما كنتش أتصور إنك مؤلف كبير كده .  
السيكى - ( فى تواضع جم ) الحقيقة انا تعبت فيها كثير .. غيرت  
الكتاب الأصلى كله .. وعدلت فيه .. وألفته من  
جديد .. والمعجبة إن المؤلف بدل ما يشكرنى .. زعل  
منى ومسك فى خناقى .. ازاي أسوه الـ ( فى سخرية )  
الـ .. الأدب الرفيع اللي كاتبه ..

چيچي - ده إنت عملت لها قفلة جنان .. جنان .. إيه رأيك  
يا عمى ..

أحمد - رأيى أنها جنان فعلاً .. جنان إن رواية زى دى تطلع فى  
السينما .. وجمان إنها تكسب وعيادات الدكتوراة جنبها  
بتخسر .. يبقى لازم القيامة تقوم فعلاً .. يبقى العالم  
عايش بالمقلوب .

شفيق - أنا معاك .. بقينا ثلاثة .. أنا وانت ورئيس جمهورية  
بورما .. مين معانا .. مين يقول إن القيامة حاتقوم الليلة  
دى .

مدوح - يا بابا ما تخوفناش يا بابا ..  
الهام - أنا مش عاوزة أموت يا بابا .

عادل - أنا خايف .. يا ماما .. القيامة حاتقوم .

الحاجة زنوية كانت نائمة أثناء الحديث وتبقت على صراخ العيال  
- قامت قيامتك إنت وهوه .. هو حد دخل علم الله .. أنتو  
بتصدقوا الرجاله المخرفين دول .

چيچي - والنبي يارب ما تقوم القيامة قبل ما أمثل .. نفسى  
أمثل .. نفسى أبقي نجمة إغراء .. نفسى أبوظ على  
بريجيت باردو .

نغيسة - ( وجهها يطفح مرارة .. رافعة يديها إلى السماء ) يارب  
طريقها ببق .. هدها .. خلى عاليها واطيها .. سساويها  
بالأرض .. يا قوى على كل ظالم .. عبيدك ظلما .  
وكفروا .. ومكروا .. وفجروا .. ومشيسوا عريانين فى  
الشوارع .

صوت رعد يشق الصمت فجأة .

صراخ .. ورعب .. يعنى على الحاجة زنوية .. ويبيكى الأولاد  
وتصحو هنومة مذعورة .. والأصوات التى تتردد فى تلك اللحظة هى  
مزيج مختلط .

چيچي - يا دهوقى ..

هنومة - الحقونى ..

شفيق - القيامة قامت ..

هنومة - إيه ده ..

مراد - يا ساتر يا رب ..

لاشين - أنا شفت السبا بتيرقى ..

السيكى - يا رب لطفك ..

- الملك لك وحدك ..
- يارب ..
- يا الله تطلع يره ..
- حانطلع فين .. ده فيه حريقة يره ..
- الولاد .. الولاد .. إنتو فين يا ولاد ..
- حاموت ..
- حاموت ..
- أه ..

صرخة حادة ..

أصوات كراسي تقع ومراة تنحطم .. وأنات يقع على الأرض .. أين خافت ..

سستار

- أحمد - إيه بس يا جماعة دول شوية رعد .. هو ..
- يعود الصوت الراجع هذه المرة بشدة أكبر .. وتَهتَز النجفة تقع
- جيجي على الأرض وهي تصرخ ..
- إلهقوني ..
- شفيق - القيامة قامت ..
- يشند الرعد .. ويبدو وميض البرق في النوافذ .. وهتَز المسرح
- هزات شديدة .
- زنوبة تفتح عينها من الإغماء .
- إيه اللي جرى يا ولاد .. الدنيا بنتهز كده ليه ؟
- يسود الرعد .. بشدة مربعة .. وهبط السقف في سقوط مخيف
- ولا يقع .. وإنما يظل معلقاً فوق الرؤوس .. يتحول لون السماء إلى
- حمرة الحريق .. ويبدو ضرام نيران على البعد .
- مراد - البلد يتحرق .. يا خبر إسود ..
- المسرح قوضي .. وذعر .. وإغماء .
- رعد وهزات أخرى شديدة .. وينطلق النور من المسرح ولا تعود تبدو
- إلا حمرة الحريق من النوافذ وضرام النيران على البعد ..
- والأصوات تعود مختلطة في الظلام ..
- يارب ..
- يارب ..
- يارب لطفك ..
- تبت إليك ..
- أشهد أن لا إله إلا الله ..
- يا حي يا قيوم .. يا حي قيوم ..
- ارحمنا يارب ..

## الفصل الثاني

تزاح الستار عن المنظر السابق : وقد تحول إلى أنقاض  
وخرائب .. السقف سقط ولكنه نجى من الانهيار بارتكازه على  
دعامات الأسمنت المسلح .. الحائط مشروخ ومائل على جنبه ولكنه لم  
يسقط تماماً .. زجاج النافذة والشييش والضلف غير موجودة  
والنافذة متفسخة وتبدو على هيئة فراغ بين أخشاب منهارة وهو  
فراغ يطل على سماء حمراء متوهجة في الخلف . الأثاث ملق على  
الأرض ومحطم .. المرأة مكسورة .. الريح تعوى في الخارج كأنها  
تقطع من الذئاب الجائعة .. عروق من الخشب تقطع المنظر بالطول  
وبالعرض .

هناك شعدان موقد .. ترتعش شموعه .. وتلقى ضوءاً باهتاً مخيفاً  
على المسرح ..

نفس الشخصيات في الفصل السابق كما تركناهم .. ولكنهم الآن بين ملق على الأرض بين وبين مغمى عليهم وبين جالس يحمق في فزع وقد فتح فمه في ذهول .. وبين منكش في ركن يرتجف من الملح .. الأطفال مكمون في ركن وكل واحد منهم مسك بالآخر .. ملابسهم جيباً رثة وقذرة ومغبرة .

مراد ينظر حوله في شروء .. ثيابه ممزقة وعيناه زانقتان يلتفت إلى الدكتور أحمد الذي يجلس بجواره كأنه لا يعرفه ثم يبدو في عينيه كأنه يتذكره .

- إحنا فين .. إحنا فين .. إيه اللي جرى .. إحنا فين ( يصرخ فجأة في ارتياح ) إحنا فين ؟!

يفيق باقي الأشخاص .. وتصدر عن كل منهم حركة تدل على أنه سمع الصرخة .. وأنه لا يفهم .

أحمد ينظر حوله ويبدو عليه أنه يستجمع أفكاره ثم يقول فجأة :

- إحنا في الآخرة ..

مراد - آخرة إيه ؟؟؟ .. إنت تجتنتت ..

- مش القيامة قامت ؟

- قيامة إيه ؟

- تمام بالضبط زى ما المتجمين المنود قالوا .. الساعة عشرة مساء .. الدنيا انطربقت باللى عليها ..

مراد يحيط جبهته وقد تذكر كل شيء ..

- لكن إحنا لسه عايشين .. وده بيتنا ( يقوم وهو يتعسر ويتحسس الأثاث المعطم ) وده الدولاپ بتاح الحاجة .. ودى ساعة الحيط وده البوريه .. وده الشمعدان ، مين نور الشمعدان ..

- أنا إللى نورته لما الكهريا انقطعت ..

- والحاجة .. وبتقى ( ينظر إلى جيبى ) .. واخى ( ينظر إلى نفيسة ) .. واحنا كلنا .. نفر .. نفر ( يتحسس كل واحد ) .. مش معقول .. مش معقول تكون القيامة قامت .. لو كانت القيامة قامت كنا متنا كلنا ..

أحمد - ما احنا متنا كلنا .. وبعثنا .. واحنا دلوقت أرواحنا اللي بتتكلم .

مراد - مش ممكن .. احنا عايشين .. لسه على الدنيا .

أحمد - تعرف متين ؟

مراد - إيه اللي اعرف متين .. إنت حاجتيني .. أنا عايش ( يقوم ويفرد نفسه ويحيط جسمه بيديه ) أنا عايش .. ده جسمى أهوه .. وده بيتنا .. ودى الدنيا ..

أحمد يضحك فجأة ضحكة هستيرية ..

- هى دى الدنيا ؟؟؟ بص كده من الشباك .. شوف اللي انت بتقول عليها الدنيا .

يذهب مراد إلى الشباك وينظر في فراغه إلى السماء الحمراء المتوهجة ويضع يديه على عينيه في فزع .. ويعود مرتاعاً ..

- أعوذ بالله .. السها لوتها كده ليه .

- فيه جنس بنى آدم ؟؟؟ فيه جنس شارع ؟؟؟ ..

أو بيت .. أو غييط .. أو مكان تعرفه .

- أعوذ بالله .. السها كلها ضباب أحمر .. مش قادر أشوف شبر قدامى .. والجو حر .. فظيح الدنيا كلها بتتحرق .

أحمد - دى مش الدنيا .. دى الآخرة .. إحنا في النار .

عدة صرخات من النساء والأطفال في وقت واحد .

أحمد - (مصرأ على رأيه) إحنأ فى النار.

مراد - إنت مجنون .. نار إيه .. إحنأ فى الدنيا .. إيه اللى حاجيب بيتنا فى النار .. إيه اللى حايبعث بيتنا فى الآخرة هو كمان ( يلتقط بروازاً محطأ من الأرض ) ودى صورة أبويأ امة .. الصورة اللى كانت متعلقة على الحيطه .. إيه رأيك فى الحكاية دى بقى ؟

يلتقط أحمد الصورة ويفكر ويهرش رأسه .. ويبسو عليه الشك .

أحمد - طيب لما إحنأ لسه فى الدنيا بيقى إيه اللى حصل ده كله .. إيه اللى جرى .

مراد - القيامة قامت .

أحمد - والقيامة لما تقوم حاتبقى على حد 1114 ..

مراد - إرادة ربنا إنه يبقى علينا ..

أحمد - ليه بقى ؟

مراد - عشان إحنأ ناس طيبين .

أحمد - (ضحك ضحكاته المستيرية مرة أخرى) ها .. ها .. ناس

طيبين قوى .. ها .. ها .. ناس طيبين جداً .. أولياً .. هه

( يسحب أخاه مراد من كنفه ) أقدم لكم الشيخ مراد

الشوربجى .. حرامى .. ومرابى .. ونصاب .. وكذاب ..

وأفأك هاتك حرمان .. زيارة مقامه صباح كل يوم ..

ومواعيد السواريه الساعة التاسعة والنصف .. متنوع

الدخول لأقل من ١٦ سنة .. بركاتك ياشيخ مراد

( يمصص بقمه وهو يحرك يديه حول رأس مراد ) .. بقى

القيامة تقوم وتبقى عليك .. دى القيامة تقوم بس عشان

تاخذ أمثالك ..

مراد - والله الواقع هو كده .. انا عايش أهوه ملء السمع والبصر ( يقف ) أنا الوحيد اللى واقف على حيلى فى الدنيا اللى اتطربقت كلها .

شفيق يتكلم لأول مرة :

شفيق - ما تستعجلش .. لسه ما جاش دورك .. المنجمين إهندو

قالوا إن القيامة حا تاخد ٥٨ ساعة عشان تخلص على كل

الحياة اللى فى الأرض .. لسه دورك جاش .. ودورنا إحنأ

كمان .. كل شىء حايبقى .. كل شىء حايتهى زى ما

قالت النبوءة .

مراد - المهم دلوقت مش إن إحنأ نقعد نقول كمان ساعة حاتموت

كمان ٥٨ ساعة حانفى .. المهم نشوف لنا طريقة .. المهم

إن إحنأ عايشين .. إحنأ الوحيديين اللى عايشين فى

الدنيا .. تصوروا .. إحنأ الوحيديين اللى فاضلين على قيد

الحياة .. إحنأ اللى ورثنا الكون كله

أحمد - ( فى سخرية ) بتموت وانت بتفكر فى الميراث

الحاجة زنبوة تفتح عينينا من إغانها الطويل وتتقلب على جنبها ثم

تقوم وتقع وتظنر حولها .. وتضع يدها على فها وتذكر .

زنبوة - طقم أسنانى .. فىن طقم أسنانى ياولاد .. طقم أسنانى راح

فىن .. طقم أسنانى

أحمد - ( ساخراً ) طقم سنان إيه يا حاجة .. !! ؟ اطلبى حاجة

تستاهل .. إحنأ دلوقت حانوزع الميراث .. ميراث الكون

الحاجة - ( تلفت حولها فى ذهل ) إحنأ فىن .. البيت ماله مطربق

على بعضه كده .. الشراعة مالها واقعة والدولاب

واقع .. والسقف نازل ع الأرض كده والبيت أنقاض  
تغطى على صدرها وتصرخ ) يارحمي يا رحيم .. استرها  
يارب .. أنا ف حلم والاف علم ( تصرخ ) هنومة ..  
هنومة ..

( يفتنق صوتها ) الحقيني ياختي .. تنهار مكمومة في مكانها )

أحد يكلم مراد وهو يشاور له على طريق الباب  
أحمد - اتفضل يا مراد بك عشان تستلم حصتك من الميراث  
مراد يقف في مكانه يحملق في الباب المتروح يتمت في ذهول

مراد - العالم كله بتاعتنا .. فدادين بالملايين

أحمد - ( ساخراً ) بس يا خسارة .. مين حا يزرع

مراد - ( في نبرة من يفيق ) صحيح .. مغيث حد يزرع .. مغيث  
حد يجمع .. مغيث فلاحين .. مغيث حد يحسبني ..

مغيث حد حا يعظمي .. العالم خراب

چيچي - ( في صرخة هستيرية ) لكن أنا عاوزه أروح باريس

أحمد - ( ساخراً ) مش حاتلاقي حد يفاضلك ولا عين تغمزلك ..

مش حاتلاقي شيع يشي وراكي .. حاتتبق لوحسدك زى

عفريت الماتة في غيظ مغيث فيه حتى الغريان

چيچي تصرخ وتغطي عينيها

نفيسة - ( فجأة ) روحى جهنم .. روحى النار .. روحى الجحيم ..

انت دارك وقرارك الجحيم يا فاجرة

چيچي - ( تنظر إليها في غل ) يا حسودة .. يا حقودة .. أنا عارفة

إنك طول عمرك نفسك تبق زبي ومش طابله

نفيسة - اللي على رأسه بطحة أهو حاسس بيها

چيچي - أنا عارفة البطحة اللي على راسي .. أدى البطحة اللي على

راسي ( تحل شعرها الجميل الطويل الذهب ) شعري  
الطويل الناعم الذهب ٢٤ قراط اللي ما حيلتيكيش منه  
شعرة واحدة .. يا قرعة .. يا زعرة .. هي دي البطحة  
اللي غيظاكي

نفيسة - أنا أتغاظ من إيه .. يا مصبوغة .. يا مدهونه ده شعرك

ده بيتباع طسواق منه في الموسكى .. الطاقية بمخسين

قرش ده انتي لو حطيتي راسك تحت الحنيفة تبق واحدة

تانية

ده انتي مرسوم عليكى وش تاني .. ده الرجالة اللي

بيجروا وراكي عمى

چيچي - عمى .. عمى .. فرحانه بهم .. عندكيش انتي واحد أعمى

يجري وراكي

نفيسة - ( في حقد ) بعد يومين أما تموتق شوفى خلقتك اللي

حايكلها الدود حا تبق شكلها إيه ..

چيچي - يعني انتي لما حاتتوق حايبعوكى في علب محفوظة .. ما انتي

كمان حايكلك الدود

نفيسة - الأطهار أحباب الله .. بيموتوا وعلى وشهم التور

چيچي - ليه .. بيبقوا معقنين

أحمد - ( يدخل في الحناقة ) أنا مع اختي نفيسة .. أنا أعتقد أنى

حاموت طاهر .. معقم .. ومغيث دودة حاتتقرب منى ..

لأن مغيث دلوقت ولا دودة ولا حشرة في الأرض ..

الأرض كلها بقت معقمة .. كل الحياة ماتت من عليها

( في أسى ) ولو إن دي حاجة تزعل .. كان نفسى حد ينتفع

بوتق ولو حتى دودة

هنومة - (تبسق في عبا) بسم الله الرحمن الرحيم.. يا رب  
احفظنا.. قيامة إيه يا خويا.. السماح والرضا  
يا أسياى.. السماح والرضا يا أسياى.. انصرفى  
يا روح.. انصرفى يا روح.. أنا في حلم والافى علم..  
هم حايليسونى تانى؟

أحمد - هم مين اللى حايليسوكى تانى يا خالى؟  
هنومة - اخواننا اللى م الأرض يابى.. ربنا يحفظك ويصونك  
منهم.

أحمد - مغيش حد م الأرض لابسك.. إنت في عقلك وفي وعيك  
واللى انت شايفاه ده يوم القيامة

هنومة - يوه.. اللهم اخزيك يا شيطان.. هو انا كل ما اروق  
حاستعكر تانى.. كله من الوليه الكودية اللى بت عندها  
ديك الليلة.. أصل رجحها بيحبهم.. اما أقوم أجيب  
البخور.. أتبخر وأحرق حبة مستكة أطردها الأرواح  
الوحشة هى.

تقوم وتمشى كأنها تمشى في نومها.. وتتجه الى باب مغلق في أقصى  
الصالة..

أحمد - إنتى رايحة فين يا خالى؟

هنومة - حاروح أجيب حبة بخور من المطبخ.

أحمد - يا خالى تعالى مغيش عندك بخور.. ولا فيه مطبخ.

هنومة تخنق في الظلام وتذرب خطواتها..

أحمد - الوليه راحت فين؟

أصوات وقوع أنبياء في المطبخ..

(كلمات هنومة تأتي من الداخل) يخنى هو زر النور فين.. هو مغيش

چيچى - اطمن يا عمى.. الدود ماخلصنى من على وش الدنيا..  
لسه فيه (تتاورد على عمها) مس عجباك الدودة دى كلها  
نغيسة - (تصرخ في غل وهى ترفع يديها للنساء) يارب.. ويربى  
فيهم

مراد الذى كان يمشى نحو الباب المفتوح يتوقف فجأة.. وتتسع عيناه  
من الذعر.. ويتراجع وهو يهتف:

- ياساتر يارب.. ياساتر يارب.. أعوذ بالله

شفيق - فيه إيه.. مالك يا مراد.. شفت إيه

مراد - سكينه الخدامة ميتة ع الباب

موسيق تصويرية تصور الصدمة

وجوم وذهول على الوجوه

سكوت وقد خرست الألسن لحظة

مراد واقف يغطى عينيه بيديه

الحاجة هنومة تصحو من إغائها.. وتنظر متفحصه الوجوه والمكان  
الحاجة هنومه- أنا فين.. إيه اللى جابى هنا.. وقين زنوبة أختى..

إيه اللى نومها قبل ما تصل العشا.. زنوبة.. زنوبة..

إصحى يا زنوبة.. ولاد.. النور واطسى كده ليه

ياولاد.. ومولعين الشمعدان ليه.. هى الكهروبا راحت..

هى الشركة دايماً كده شغلها بايظ (تنظر حوها يتمعن

أكثر) ياخنى.. أعوذ بالله من الشيطان الرجيم.. إيه

ده.. الدولار إيه اللى وقعه.. والشسباك مخلوع كده

ليه.. والدنيا ماها حالها مقلوب كده.. بسم الله الرحمن

الرحيم هو جرى إيه؟

أحمد - أصل يا خالى القيامة قامت



أبوهم نفسه يرتجف من الذعر .. أهم تفكر في مسائل أخرى مختلفة  
أحمد - تعالوا عندي يا أولاد .. تعالوا ماتخافوش .. ( ينهب إليهم  
ويحوظهم بذراعيه ويدخلهم في صدره )

تعالوا معاً .. أنتو حبابي .. ماتخافوش .. مش حابجى  
لكو حاجة خليك جنبى ( يأخذهم الى جواره ) أقعد  
يا ممدوح ( يضع له كرسى بجواره ولكن الكرسى لا يقف على  
الأرض ويظل يتأرجح كأن به رجلاً قصيرة وأخرى طويلة )  
الكرسى مش عاوز يستقر فى مكانه ليه ؟ ( يتفحص  
الكرسى ويتفحص الأرض ) إيه البلاطة العسالية دى  
( يتحسها ) دى البلاطة بتطلع ( يرفع البلاطة ) يا خير  
إيه ده ( يرفع من تحت البلاطة رزمة من الأوراق المالية )  
إيه دى .. فلوس ( يفرض الأوراق ) دى كلها أوراق  
بعشرة جنيهه .. ميه .. ميتين .. ثلاثية .. ربهاية ..  
خمسائة .. الف إيه دول .. دول فوق خمس آلاف جنيهه  
( يضحك ) فلوس أمتا الحاجة اللي تحت البلاطة خمسة  
آلاف جنيهه يا حاجة .. حاتعمل بيهم إيه ( يضحك ) مدفن  
بحوش وتركيبه رخام منقوشة بية الذهب ( ينظر إليها وهى  
مددة قليلة الحيلة فاقدة النطق ) وشادر .. وصوان ..  
وجنازة قدامها العسكر صفين .. شايغة ازاي أنا فاكر  
طلباتك يا حاجة مش ناسى ولا طلب ( يسز رزم الورق في  
يده ) خمسة آلاف جنيهه يا حاجة .. عاوزة تبنى هرم رابع  
هرم رابع تنامى فيه يا حاجة حتشيسوت ا ( يضحك )  
وحاتعملى إيه بالتركيبة الرخام المنقوشة بية الذهب ..  
عشان الناس يقولوا ( بصوت تمثيل ) هنا ترقد الحاجة

نور والا إيه ..

أحمد يرفع صوته ليصل إلى أذنيها ..

- يا خالتي مغيث نور في البيت كله .

تعود هنومة وفي يدها شمعدان آخر وعلية كبريت .. تشعل  
الشمعدان .. وتنتظر في الصلاة التي بدأت تنضج لها أكثر .. تمسك  
الشمعدان وتقربه من الوجوه واحداً واحداً .. وهى تغمص شفيتها :  
- مال وشوشكم زى وشوش الميتين كله .. مالكو صفر  
وبترتعضوا .. هو فيه إيه .. جرى إيه .. بسم الله الرحمن  
الرحيم .. جتنى بتتنفض .. أما أروح أجييب البخور قبل  
ما أنسى .

تعود في اتجاه الباب حاملة الشمعدان في يدها ..

أحمد - يا خالتي تعالى رايحة فين ؟

هنومة - اسكت يا وله بلاش دوشة .. خالتي .. خالتي .. خالتي ..

هو انت في بلك عقرت اسمه خالتي .

تدخل من الباب وتختفي في الظلام .. تعوى الريح وتعول بصوت

حزين مفعج ..

أحمد - ( في يأس ) دى الولية دى مش دارية بحاجة .. دى في عالم

تاني خالص ..

تعود الريح فتعوى كأنها ملايين الذئاب الجريجة ..

الأطفال يسكون ببعض ويرتجفون ..

ممدوح - أنا خايف يا بابا

الهام - أنا حاصوت .

عادل - إلحقى يا بابا تعال خذنى .

زنوبية شعراوى سليلة المجد والكرم . بدمتك حاتسمى  
حاجة من الكلام ده ( يناديها ) ده انت مش سمعاني من  
دلوقت .. ( يناديها ) يا حاجة ( يهزها ) يا حاجة ..

الأولاد يتحلقون حوله ويتفرجون عليه بفضول .. وطول الوقت كانوا  
يتبعون حكاية الفلوس التي وجدها تحت البلاطة بشوق مزايد .. وهم  
الآن يحاولون مساعدته ..

مدوح - نرش على وشها ميه ..

الهام - تزعق لها في ودنها ..

عادل - نشمها تشاشر ..

أحمد - نشمها فلوس أحسن ( ينظر إلى رزم الفلوس في يده ) ..

خمسة آلاف جنيه .. ورق بعشرات .. كل ورقة تنطح

الثانية .. ( يفاك الرزم ويفسر الأوراق ثم يبدأ في القاء

الأوراق في الهواء .. ورقة .. ورقة .. يقذف بها إلى أعلى

السقف وهو يعد ) عشرة .. عشرين .. ثلاثين ..

أربعين .. خمسين .. ستين .. ثمانين .. تسعين .. ميه ..

ميه وعشرة .. ميه وعشرين ..

الأولاد يتنافسون في التقاط الأوراق من الهواء ويجرون خلفها في كل

مكان ..

جيجي - ( تصرخ في وجهه ) إيه ده إنت اتجنتت ... بترمي الفلوس

في الأرض ..

أحمد - دول مش فلوس .. دول كانوا فلوس لما كان فيه في

الدنيا ناس يتبيع وتشترى .. إنما دلوقت بقوا ما يساووش

حاجة .. حاتدبهم لين .. وعشان تشتري بيهم إيه ..

وليه .. ما الدنيا كلها بتاعتك .. انزلى خدنى منها اللي

اتنى عاوزاه ( يعود إلى بعثرة الأوراق في الهواء ) ميه  
وتلاتين .. ميه وأربعين .. ميه وخمسين ميه وستين ميه  
وسبعين .. ميه وثمانين .. ميه وتسعين .. ميتين ( ينظر  
إلى جيجي ) دول دلوقت بقو زى ورق الجرايد .. ورق  
التواليت .. ( يعود إلى البسرة ) ميتين وعشرة . ميتين  
وعشرين .. ميتين وتلاتين ..

جيجي - إنت اتجنتت

أحمد - بالعكس .. أنا عقلت .. عقلت جداً .. وشفت كل حاجة

على حقيقتها ( بصرخ ) اللي حايعيش دلوقت مش اللي معاه

فلوس .. اللي حايعيش هو اللي حايقدر يشتغل .. هو اللي

حايعرف يزرع ..

جيجي - ( تصرخ ) لكن أنا ما أعرفش أزرع ..

أحمد - على كيفك .. جوعى .. موتى ..

جيجي - ( في حركة إغراء ) أنا ممثلة كبيرة .. أنا نجمة إغراء ..

إزاي أشتغل وأزرع ..

أحمد - ممثلة إغراء !!؟ تشرفتا .. حانتلى على مين . بعد شهر

يا ممثلة الإغراء لو كان لنا عمر .. حاتكون هدموك

دايت وكنتبنا العتة وحاتكونى بقيتي عريانه ملط ..

وحاتكون زهقنا من الإغراء .. بتاع سيادتك ..

جيجي - إنت فطيع .. فطيع .. إيه الكلام اللي بتقوله ده ..

سوفاج .. سوفاج ( نيكى ) ..

أستاذ لاشين اتكلم .. قول حاجة .. قول إن الكلام ..

قتيل .. قول كلاكيت ( تصفق بيديها ) عشان أعرف إنها

لقطة في رواية .. وإنما مش حقيقة .. أنا حماموت ..  
 حماموت .. مش معقول ..  
 لاشين - بسيطة .. غالية والطب رخيص ( يصفق بيديه ) ..  
 كلاكيت .. استرحني ..  
 جيجي - غيروا المنظر بق .. انتهت اللقطة ( تلفت حولها ) فين  
 الفراشين ..  
 أحمد - مفيش فراشين .. اقوم انا أغير المنظر ( يقوم من مكانه  
 وينهب إلى الستارة المسدلة في ركن ويفتحها فيبدو من  
 ورائها الحطام والخايط المشقوق والثغرة الواسعة التي تطل  
 على النساء الحمراء المتوهجة المرعية .. وتعوى الرياح معلولة  
 كأنها آلاف الذئاب الجائمة ) يعجبك المنظر ده والأغصنة  
 كيان .. كلاكيت ( يصفق بيديه أمام باب المطبخ الذي  
 أغلقتة الحاجة هنومة خلفها فينهار الباب تماماً ويسقط  
 وتسقط عليه الحاجة هنومة جثة هامدة متخنسة وفي يدها  
 شمعدان .. صراخ حاد .. ورعب .. ويتجمع الأشخاص حول  
 الجسد المتخشب ويد أحمد بيده فيرفع الجثة وينظر في العينين  
 الزجاجيتين ثم يحملها على ذراعيه ويدخل بها المطبخ ويحرق  
 لحظة ثم يعود وفي يده الشمعدان .. يحتال حتى يغلّق الباب  
 المكسور ويعيده إلى مكانه ليحجب منظر الميتة بالداخل ..  
 يصفق بيديه ) كلاكيت .. إيه رأيك .. تغير المنظر  
 تاني ؟؟ ( يبدأ في إشمال الشمعدان ) ..  
 جيجي - أنت مجنون .. أنت مجرم ( تبتكي وتصرخ ) .. تصحوا الحاجة  
 زنوبة على الصراخ والعمويل ترفع رأسها وتلتفت في  
 الموجودين ..

- إيه يا أولاد فيه إيه .. مالكو .. جرى إيه .. أنا كنت  
 نايه والا إيه .. هي الساعة كام دلوقت .. هي العشا  
 ادنت .. فين السجادة ( تنظر تحت رجلها وتكتشف البلاطة  
 المنفلوعة .. تهجم عليها وهي تصرخ ) مين اللي شال البلاطة  
 تسي .. فين الفلوس اللي تحتها .. فلوسى .. فلوسى ( تلطم )  
 فلوسى ..  
 أحمد - يسارع برزم الأوراق ليضعها في حجرها ) .. أهم .. أهم  
 يا حاجة ما تخافيش .. عديهم خمساية ورقة بعشرة .. يبدأ  
 في جمع الأوراق من على الأرض وتكويها في حجر العجوز  
 المنهولة التي تنفجر بين لحظة وأخرى في نوبة من الصراخ ..  
 فلوسى .. فلوسى .. فلوسى .. ( ثم ما تلبث أن تفقد وعيها  
 من جسديد الأولاد المرعوبين يتكلمون حول الدكتور أحمد  
 ويتعلقون بنبأه  
 لاشين - دلوقت أنا عاوز أفهم إيه آخرة ده كله .. لازم تشوف لنا  
 حل ..  
 يلتقط الموجودون هذه الكلمة كأنها طوق نجاة .. وتسرى مهمة ويعتدل  
 كل واحد في مكانه ويمسح دموعه ويستعد الجميع لمواجهة الموقف  
 بواقعية أكثر ..  
 مراد - ( وقد بدأ يفيق من صدمته وتلفت حوله ) حانعمل إيه  
 يعنى ..  
 لاشين - احنا دلوقت مسجونين في خرابة بق لنا خمس ساعات  
 وكيان تشوية حسا تواجهنا مشكلة إن احنا لازم ناكل  
 ونشرب ونعيش .. ومين يعرف يمكن يكون مكتوب لنا  
 عمر في الدنيا ...

مراد - حانعمل إيه يعنى ..

لاشين - لازم ندور على حل .. لازم ندور على أكل ..

مراد - إنزل دور ..

لاشين - ( يتنحج في حرج وكأنه وقع في مصيدة ) نشوف في المطبخ

الأول يمكن يكون فيه أكل

مراد - اتفضل المطبخ أهوه .. من هنا .. (يشاور له ) يلبث لاشين

في مكانه لايجرؤ على الحركة .

السبكي - (في نبرة أرسقراطية) نادو على الخدام .. وله يا خدام

( لاأحد يرد .. بتلفت حوله في تساؤل ) ..

أحمد - مفيش هنا خدامين .. سكينه الخدامة الله يرمعها ( ساخرأ )

يمكن تنادى عليها من الآخرة إذا كنت تقدر ..

السبكي على وشك أن ينادى عليها من الآخرة ولكنك يرتبك

ويسكت

لاشين - ( يتذكر شيئاً ) السواق كان معايا في العربية .. فكرة ..

تنادى على السواق هو اللي يحل لنا المشكل

أحمد - اتفضل نادى ع السواق ..

لاشين - ( يبحث عن باب الخروج ) هو السلم فين ..

أحمد - مفيش سلم

لاشين - مفيش سلم إزاي ..

أحمد - السلم اتطريق .. احنا متعلقين ..

لاشين - ( في بلاهة ) طيب . أ . أ . أو الأسانسير .

أحمد - الأسانسير . . . ؟ ( يضحك ولا يجيب ) ..

لاشين - طيب ويعدين .. أجييب عثمان متين ..

السبكي - إزق عليه م الشباك ..

يذهب ناحية النافذة ثم يرتد مسرعاً ..

لاشين - يا ساتر .. الحرف قطع .. قطع .. الهوا كأنه نار ..

السبكي - إزق عليه من هنا .. إزق عليه قوى .. يمكن يسمع

لاشين -- ( في سذاجة ) .. يا عثمان ( يرفع صوته أكثر ) .. يا عثمان ..

( يرفع صوته أكثر ) .. يا عثمان ..

( يتردد صدى الصوت عدة مرات بين الحوائط ثم يعود

الصمت )

أحمد - عثمان مين .. انت بتنادى على مين ..

لاشين - السواق بتاعى ..

أحمد - سواق إيه يا راجل يا مجنون ..

لاشين - سواق العربية ..

أحمد - هو فيه عربية عثمان بيق فيه سواق .. ده مفيش حاجة

خالص .. مش حاتشوف إيدك إذا كانت أبعد من نص

متر من عينك ..

السبكي - شئ قطع ..

أحمد - كل الدنيا ملفوفة في غيار أحمر مغطى على كل شئ ..

لاشين - ياساتر ..

السبكي - طيب والعمل إيه ..

شفيق - أنا رأيى إن احنا نصل كلنا وتبتسل لرينا إنه ينجيتنا من

البلوى دى ..

أحمد - وتفكر إن رينا يلتفت لصلاتك المفرضة دى بدمتك

صليت كام ركعة في حياتك ..

شفيق - ولا ركعة ..

أحمد - يعنى حاتبقى دى أول ركعة تركعها ..

يبقى بيني وبينك حاتيقي مكشوفة أوى .. الوقت راح  
يا شفيق يا خويا .. كان زمان ..

شفيق - ربنا غفور رحيم ..

السبكي - وشديد العقاب ..

نقيسة - ( في مرارة ) جه يومكم يا فجار .. يا فساق .. وربنا  
يا حايوريني فيكم ..

لاشين - ( هاسأ ) الوليه دى مقيش حد حا بخلصنا من حقدنا ..  
أحمد - اعتبرها فيلم .. اعتبرها رواية .. اعتبرها لقطة ..

وبعدين كلاكيت ( يصفق بيديه ) غير المنظر ..

السبكي - ( في غضب ) إيه الكلام الفارغ ده .. ده وقت الضحك  
والهزار .. إحنا في إيه والا في إيه .. إنتو قاعدين تنكتروا

والدنيا بتطريق ..

أحمد - حانعمل إيه يا سبكي بك .. يعنى لو عيطنا لاحا ناخبر  
ولا نقدم في قيامة القيامة ..

السبكي - بس الموقف الى احنا فيه يستلزم ..

أحمد - يستلزم إيه يا سبكي بك .. تعرف اخلتروا منحت نيشان  
الشجاعة في الحروب اللي فاتت لمن .. لا أبداً .. مش

للمارشال مونجسومرى .. منحته للكباريه الوحيد الى  
استمر فاتح يقول نكت ومنولوجات طوال شهور ضرب

لندن بالتقابل ..

السبكي - يعنى قصدك إيه ..

أحمد - يعنى الحل الوحيد اللي فاضل لنا إن احنا نقعد نقول نكت  
في الساعات اللي باقية على نهاية العالم .. ده الشرف

الوحيد اللي فاضل لنا .. إن احنا نضحك بالرغم من كل شئ ..

السبكي - إنت بتهزرو ..

أحمد - أبداً .. أنا بتكلم جد .. ومنتهى الجد .. وأنا شخصياً  
حابدأ فاصل الضحك « يضحك .. تبدو ضحكته الهستيرية

جوفاء رهيبه .. ولكنكم ما يلبنون أن يضحكوا عليه ..  
ويتنقل الضحك من وجه إلى وجه .. ثم يعود الصمت فجأة

نقياً مربعاً » ..

السبكي - إنت لازم اتجننت .. أخوك مراد له حق في كلامه .. إنت  
بجنون فعلاً ..

مراد - طول عمرى بقول إنه بجنون ..

السبكي - أنا عاوز أفهم انت بتضحك على إيه دلوقت ..

أحمد - بضحك على نفسى .. لأنى عشت طول عمرى أفرح وأزعل  
وأغضب وأتور وأتجنن والآخري موت وأنا مش فاهم

حاجة .. مش فاهم ليه كنت باتشجن كده وعلى إيه .. كله  
حايق بسوا الأرض كمان يوم ولا اثنين .. كان إيه لازمه

الزعل ده كله .. أما أنا كنت مفعل .. ( يضحك ) ومش  
عاوزينى أضحك كيان .. ده شئ مضحك .. ده شئ

بيجنن من الضحك ( يضحك بشدة .. حتى تتحول ضحكته  
إلى عويل ويتلفت في الوجوه حوله ) حد منكم بقدر يفهمنى

إيه الحكاية ..

لاشين يبغي فجأة ويلوح بيديه في حركات مسرحية ..

الحكاية إن جبك يا حبيبي .. نار

لهيب من غير شرار ..

خلى بروج في عقل طار ..

سكت فجأة ثم ينظر الى الوجوه المتطلعة ..

لاشين - دى حتة من أوبريت فى الرواية الجديدة اللي بخرجه

وبتمثلها جيچى .. غنى معايا يا جيچى

( يعود إلى الغناء وقد اندمج تماماً فى دوره ) ..

الحكاية إن حبك يا حبيبي .. نار

طيب من غير شرار ..

خلى برج فى عقلى طار ..

جيچى - قلبك إيه ..

ده أوده مليونه كرار

فيه زبالة من حريم من كل دار ..

فيه عبيد وجوار ..

كبار وصغار ..

أنا فبن جوه قلبك ..

فين مكاني ..

( لاشين يركع على قدميه ويرفع يديه متوسلاً إليها .. من الواضح انه

اندمج فى دوره تماماً ونسى الناس حوله ) ..

- إنتى فى كل مكان فى الهوا اللي بتتنفسه .. فى الميه اللي

بشربها .. فى قلبى .. حواليه .. فى منامى .. فى

أحلامى .. فى خيالى ..

جيچى - ( مندجحة تماماً فى دورها ومنفعلة بكل كلمة ) اقتل كل الحريم

بتوع لو كنت بتحبينى .. واقتل نفسك كمان .. أنا غايه

من نفسك .. مش طايقه أتسوفك بتحب نفسك أكثر ما

بتحبينى ..

لاشين - أقتل نفسى ؟؟ أقتل نفسى ازاي .. طيب وأحبك بإيه ..

ده أنا بحبك بنفسى .. بروحى ..

جيچى - لازم تموت فى حى ..

لاشين - ولما أموت حا يفضل منى إيه ..

جيچى - حايفضل حبك ..

لاشين - حى حايتو معايا .. ارحمى خلىنى أعيش عشانك ..

جيچى - لأ .. مش عاوزه .. عاوزاك تموت عشانى .. تموت فى حى

وأعيش طول عمرى أبكى عليك وأدور عليك .. عاوزة

أعيش فى الحزن عليك .. مش باصدق حاجة فى الدنيا

إلا الدموع .. الدموع .. الدموع .. ( تبنى بحسرة وقد

نسيت نفسها تماماً ) ..

أحمد يصرخ فجأة - أنا اكتشفت الحبل .. أنا لقيت الحبل اللي فيه

مخرجنا جميعاً ..

مراد - إيه ده يا راجل يا مجنون ..

أحمد - ( يروح ويحى يعرض المسرح وطوله فى انفعال ) وجدتها ..

وجدتها .. أوريكا .. أوريكا كما قال أورشيدس .. خلاص

مش مهم تتطريق الدنيا .. تتطريق مش مهم .. خليبها

تتطريق .. أنا وجدت الحبل .. وجدت الخلاص ..

لاشين - إيه .. نساقر للمريخ ؟؟

أحمد - صريخ إيه يا راجل يا عبيط ..

لاشين - آمال نروح فين .. قول لى ألققى

أحمد - ( يساور على قلبه ) نروح هنا جوه .. نغطس جوه فى

نفوسنا .. فى قلوبنا .. كل واحد يفرق فى روايته الخاصة

زى ما أنت دخلت فى روايتك واندججت فيها ونسيت كل

حاجة .. كل واحد يعيش فى وهمه .. كل واحد يبني له

دنيا .. رواية يعيش فيها .. ويقفل مسرحها عليه ..

والدخول بتذاكر.. يدخل اللى يجهم بس.. والياق  
بره ..

مراد - طيب وها تودى البراكين دى فىن .. هاتودى الكراوت  
دى فىن ( ينساور على السماء اللى تبدو حمراء متوهجة من  
النافذة )

أحمد - بره .. كله بره .. حعايش طول عمرى موهوم ..  
متيألى .. ما أشوفنى غير أوهامى ..  
صوت رعد .. يعقبه زلزال شديد يهز ديكور المسرح .. يترنج أحمد  
فى وقفته ..

مراد - وتودى الزلزال ده فىن ..

أحمد - بره .. كله بره ..

مراد - لكن انت مش قادر أهوه .. إنت عمال بتتهز .. حاتقع ..  
( أحمد يترنج ) ..

السيكى- هوه ده الحل يا أحمد ..

أحمد - ده حل اللى ما عندوش حل يغطى وجهه بيديه ويبكى  
بشدة ( ده حل اللى ما عندوش حل .. أنا تعبت .. أنا مش  
عارف ايه أخسرة ده كله أنا مش عارف أروح فىن . حد  
منكم يقدر ياخذ بيدي .. حد منكم يقدر يوريني السكة  
( بمد يده .. تظل يده معلقة فى الهواء .. ولا يتقدم أحد )  
مفيش حد عارف السكة ..

الزلزال ما زال يهز ديكور المسرح ..

أحمد - مفيش حد عارف الحقيقة .. بيتق أعيش فى الوهم  
أحسن .. حتى الوهم مش لاقيه .. مفيش حد بيبنى  
عليه .. كل ما أخلق لنفسى وهم ألاقى اللى يصحبنى منه

ويقول لى أصحى .. أصحى .. أنت موهوم .. وانت  
مالك يا أخى .. ما تسيبنى فى حالى .. لأ ازاي ..  
إصحى .. إصحى .. إنت موهوم .. طيب فىن الحقيقة  
هى فىن الحقيقة .. مفيش حقيقة .. أنا تعبت .. عاوز  
أنام .. عاوز أحلم .. أحلم حلم طويل ما أصعاش منه .  
ينهار ويضطجع على حائط مائل فى ركن ويفلق عينيه ..

- غنى لى ياجيجى .. غنى غنوة تخلىنى أنسى كل حاجة ..  
وأنساكى كمان .. وأنسى نفسى .. وأنسى إنك بتغنى ..

چيجى - ( فى رقة ) يا حبيبي ياعمى ( تأخذ رأسه بين راحتها وتمسح  
على شعره وجبينه ) ..

أحمد - ( يفرك عينيه ويفتحها متعبا ) أنا باكذب على نفسى .. أنا  
عمرى ما قدرت أنسى حاجة أبداً . عمرى ما قدرت أخذ  
أجازة من عقل أبداً . عمرى ما قدرت أغمض عيني ..  
عمرى ما قدرت أنام ..

الهام - أنا خايقة ..

أحمد - ( يفتح ذراعيه ) تعالوا يا ولاد فى حضنى ..

يرجع الأولاد إليه ..

أحمد - امسكوا فى .. كل واحد يمك فى الثانى .

« سستار »

### الفصل الثالث

نفس منظر الفصل السابق بالإضافة إلى انهيار الحائط الأيمن  
ليكتنف قطاع غرفة مجاورة .. طوب واخشاب وقطع من جبس السقف  
في أماكن مختلفة من المسرح ..  
نفس أشخاص الفصل السابق ولكن ثيابهم أصبحت الآن أكثر  
رثانة .. ووجوههم أكثر صفرة . وكل منهم قد استلقى متعباً في مكان ..  
بعضهم ارتمى على ظهره ومضى يحملق في السقف في بلاهة .. والآخرين  
لاذوا بالأركان .. وأسندوا ظهورهم إلى الحائط ..  
الحاجة زنوبة تتحرك ببطء وتفتح عينيها وتتكلم بصوت  
متحسرج ..  
- ربي ناشف .. عاوزه اشرب ..



- وإيه اللي وداهم آخر الدنيا ..  
 - ( بلوح بيده ) راحوا يتمشوا في الطراوة .  
 - طيب حد فيكم يعمل في معروف ويروح يشتري لي كياية  
 عرقسوس من عند الشريتلى اللي جنبنا ( تضع بيدها في عباها  
 وتخرج قرناً تناوله لاحد ) خسد يا أحمد هات لي كياية  
 عرقسوس بقرش ينوبك ثواب ..  
 - بتاع العرقسوس قفل يا حاجة .. النهاردة الجمعة ..  
 - يابى ما يقفلش لاجعه ولا حد .. ده فاتح على طول انزل  
 يابى ربنا يهيدكي .. خد خمسة صاغ ( تضع بيدها في عباها )  
 عشان تشرب سوا ..  
 - ياه خمسة صاغ حتة واحدة .. إيه يا حاجة الكرم ده ..  
 - عطشانه .. ريق ناشف .. حاموت ..  
 - سلامتكم من الموت .. ده احنا فداكى كلنا ..  
 - ياخويا شبعت كلام ..  
 - ( ضاحكاً على حاله ) واحنا حيلتنا إلا كلام دلوقت ..  
 مراد - انا رأيى واحد مننا ينزل عند البقال اللي تحت البيت ..  
 جيجى - ( مهلهل ) بقالة محالى .. دى مليانة بيره .. فكره هابله .  
 شفيق - وفيها سحج ويسطره وتونه وعيش قينو ولحمه بارده  
 وتومين يكفى سنه ..  
 أحمد - ومعقول حايبقى لها وجود دلوقت .. دى زمانها هي واللى  
 فيها بقت كوم تراب ..  
 مراد - ليه يا أخسى .. ما احنا عايشين اهو .. واحنا في دور  
 أول .. مابالك بالدور الأرضى .. ده يبقى محياً ممتاز في  
 وقت زى ده .. أنا أراهنك إن بقالة محالى مازالت قائمة

أحمد - ( يهز زجاجة في يده ويقلبها ليؤكد للجميع أنها فارغة )  
 الفزاجة خلصت يا حاجة . اصبرى اصبرى وأمرك لله ..  
 - انا جعانة ..  
 شفيق - حاتاكل ازاى وانتي عطشانة .. تعطشى أكثر بعدين ..  
 ومغيش عندنا غير رغيف ناشف ..  
 أحمد - ( بلوح برغيف في يده ) الرغيف الأخير ..  
 الحاجة زنوبة - اديني لقمة ..  
 احمد - ( يقطع لها لقمة ناشفة ويناولها ) خسدى .. ذنك على  
 جنبك ..  
 تضع اللقمة في فمها وما تلبث أن تكتشف أن طقم أسنانها ضائع  
 فتبدأ في لطم خديها في عصبية ..  
 الحاجة زنوبة - طقم اسنانى .. طقم اسنانى فين ..  
 أحمد - اهو ده بيق اللي ماتقدرش عليه ..  
 الحاجة زنوبة - طقم اسنانى ( نلطم ) طقم اسنانى .. هاكل بيايه من  
 غير طقم اسنانى .. ( تبحث حولها ) طقم اسنانى ..  
 احمد - حطى اللقمة في بقلك كده شوية وهى تبوش ..  
 زنوبة - ريق ناشف ..  
 - واحنا حانعمل إيه يا حاجة .. إحنا ذنبا إيه .. إحنا اللي  
 قومنا القيامة ؟؟  
 - نفسى في شربة ميه تبل ريق .. يا سكينه .. ياهنومة ..  
 يا سكينه ( تنلفت حولها ) .. ياهنومة ..  
 - مش حايسمعوكى .. أصلهم بعيد أوى ..  
 - بعيد فين ..  
 - في آخر الدنيا ..

على جدرانها الأربعة سليمة زى ماهى ..

شفيق - معقول والله ..

مراد - (يشاور على دعوات الأخت المسلح فى الأركان) شايف

أركان المسلح كلها سليمة إزاي .. بيق معنى كده إن

الدور اللي تحتنا سليم .. والبقالة تبقى تحتنا بالضبط

(يشاور على أرضية الغرفة) تبقى إزاي ساتكون مهدودة

وأنا صالين حيلنا كده ..

شفيق - تمام ..

أحمد - بس إزاي توصل لها .. والسلام مطريقة ..

مراد - نزل من أى حفرة فى الأرض .. زى عساكر المطافى ..

نزل على عرق خُشب ..

أحمد - فكرة والله .. أما أروح أدور لكم على طريقة (ياخش

السمعدان ويذهب من الباب الموصل إلى الغرفة التى أنهار

جدارها .. يبدو وهو يتجول .. ثم وهو يتحرق باباً آخر ..

ويخفى) ..

الحاجة زونية .. صوتها يتحسرج ..

- شربة ميه (تتلقت حولها وقد يدها مستجدية) خذو اللي

حيلتى وادونى شربة ميه ..

مراد - ياريت يا حاجة .. ما عاdash مجيب حاجة ..

الحاجة - (مازالت تستجدى وكأنها لم تسمع الكلام) خذو اللي حيلتى

وادونى شربة ميه ..

يظهر أحمد وهو يتجول فى الغرفة الثانية .. ثم يدخل وهو يخفى شيئاً

وراء ظهره ..

أحمد - (مبتهجاً) أما أنا اكتشفت اكتشاف ..

الجميع - إيه .. إيه قول لنا .. الحقنا .. فى عرضك ..

أحمد - كاذب ..

الجميع - كاذب إيه .. فىن .. ورينا ..

أحمد - (يخرج التوء الذى يخفيه .. ويلوح به فى يده) أبريق

ميه ..

الجميع - براهق .. انت بطل .. مفيش منك ..

مراد - لقيته فىن الأبريق ده ..

أحمد - (مخرجاً) مش مهم بقى لقيته فىن (يتناول الأبريق للحاجة

لنشرّب فتنلقطه فى هفة) ..

جيجى - (هامة) ده أبريق دورة الميه .. اخص ..

مراد - ولو .. حد لاقى ..

الحاجة ترفع الأبريق على فيها .. وما تلبث بعد جرعتين أن تهزه

- ده ما فيهوش إلا نقطة واحدة .. نقطة واحدة ..

يسقط فى يد الجميع من جديد ويتبادلون نظرات الحمية ..

مراد - مفيش حل إلا بقالة مخالى يا أحمد ..

أحمد - إيوه بس توصل لها إزاي ..

مراد - لازم كلنا ندور ..

أحمد - مفيش غير شعدائين اتنين ..

مراد - مش مهم كل واحد ياخذ شعبة فى إيده أو يولع عود

كبريت ..

شفيق - أنا معايا علبة كبريت ..

لائين - وأنا كان معايا عليه (يتأكد من وجود علبته) .. يتفرق

الرجال الخمسة كل منهم فى اتجاه .. يبحثون عن مخرج .. كل واحد فى

يده شعبة .. أو عود نقاب مشتعل ..

يبقى النساء والأطفال في الغرفة ..

جيجي - واحنا حانقعد كده مستنيين الموت ( تزرع شمعة من

الشمعدان وحمقك في الظلام ثم تتردد وما تلبث أن تعيد

الشمعة الى مكانها .. وتظل تابعة حيث هي .. الاطفال

يتكلمون إلى جوارها ) ..

لحظة صمت لا يسمع فيها إلا حشرجة العجوز وعواء الرياح في

الخارج .. ثم يدخل أحمد .. يبدو على وجهه اليأس ..

- مفيش فايده .. احنا مقفول علينا من كل حته .. مفيش

حل غير إنا نططم الشباك ..

ينظر إلى النافذة .. حيث تتوهج السماء بجمره محيطة ..

أحمد - (محدثاً نفسه) خراب .. خراب .. في كل حته .. نفسي

اشسوف حياه .. نفسي أشسوف حيوان .. نفسي أشسوف

حشرة .. ولو حشرة سامة .. ولو حيوان مفترس .. نفسي

أسمع صوت إنسان في الوجود غيرنا .. ( بنهار جالساً على

الدولاب المقلوب ) نفسي واحد عسكري يقبض عليه ..

نفسى في حرامى يسرقنى .. نفسى في قاطع طريق يقطع

سكتى .. موت .. موت .. موت .. في كل مكان ( يتذكر

فجأة ) .. كان فيه هنا جرامفون .. نفسى أسمع صوت

غير صوتى .. أى صوت .. ( يتجول في الغرفة وفي يده

الشمعدان .. يهتف في فرح ) أهوه .. ( يفتح الجرامفون ) ..

وفيه أسطوانة كمان .. ( يدبر اليد ثم يضع الإبرة ) .

يدوى صوت صباح

أكلك منين يا بطه

أكلك منين

دى فراولتين في شفايفك

حلوين حلوين

هاق واحدة لماما عشان ماما

عينوها الاتنين

عايزين ياكلوك ومش عارقه ياكلوك منين

صوتها وسط الخراب يبدو غريباً مفزعاً لشدة تناقضه

يعود الرجال الأربعة على صوت الجرامفون .. ويتقاطرون من

المحجرات المهذبة وهم يهتفون .. في وقت واحد ..

- إيه ده .

- مين بيغنى ..

- مين هنا ..

- فيه ايه ..

- صوت إيه ده ..

أحمد - ( في هدوء ) : أكلك منين يا بطه

مراد - ( في خيبة إمل ) ياأخى .. احنا قلنا الإذاعة جت .

بتهاك كل واحد في مكانه بينا تمضى صباح في الغناء ..

أكلك منين يا بطه

أكلك منين

دى فراولتين في شفايفك

حلوين حلوين

هاق واحدة لماما عشان ماما

عينها الاتنين

أحمر في إننا ماناكلش .. أحمر في إننا مانشرش ..  
أحمر في إننا مختار الموتة اللي نموتها بالسكنة أو الجوع أو  
بالعطش ..

مراد - أحمر في إننا نتجول في العالم كله .  
أحمد - وفين هو العالم ( يشاور الى السماء المتوهجة ) العالم بق  
جهنم .. بق أرض حرام ممنوع فيها المرور لأى آدمى على  
قيد الحياة .. إننا دلوقت زى اللي بيرقص على قعر  
كبايه .. زى اللي واقف على شعرة بين نار قدامه ونار  
وراء .. كل حرينه أنه يتمشى رايح جاي على الشعرة دى  
لغاية ماتقع بيه وتنتهى الحكاية ..

شفيق - ياشيخ ياريتها تقع بق وتحلصنا .. أنا تعبت ..  
مراد .. أنبت .. لا بأس مع الحياة ولا حياة مع الأيس ..  
شفيق - الكلام ده كان زمان زى اسطوانات صباح ..  
أحمد - الكلام ده زمان ودلوقت وفى كل وقت .. الكلام ده هو  
اللى مش ممكن تقوم عليه القيامه أبداً .. الأمل .. الأمل  
هو الحياة ..

شفيق - طيب بس الحياة دى يلزمها تاكل وتشرب ..  
أحمد - حاتااكل وحاتشرب ..  
شفيق - منين ..

مراد - من عند محالى ..  
شفيق - ( ضاحكاً ) محالى دلوقت بق حاجة زى أبواب السما ( يد  
بده الى أرض الغرفة فى ضراعة وتوسل ) نظرة يا محالى ..  
مراد - ( ينظر الى الحاجة زونة فى ابتهاج ) إدعى لنا يا حاجة

أحمد - شوفوا احنا كنا زمان بنفى نقول إيه .. الظاهر إن احنا  
كنا قاضيين خالص مش لاقين حاجة نعملها ..

صباح مستمرة فى الفناء .. صورتها يبدو غربياً فى الظروف  
الموجودة .. ومعانى الاغنية تبدو مضحكة .. غير ذات موضوع ..  
تنتهى الأسطوانة .. لحظة صمت .. كل واحد من الموجودين ينظر  
فى عين الآخر ..

مراد - وبعدين ..  
شفيق - ندور الأسطوانة تانى ..  
مراد - لا .. أسطوانة إيه .. لازم نشوف طريقة نحل بها مشكلة  
الأكل والشرب .. لازم نوصل لمحالى ..

لائين - تانى ..  
مراد - أنا عندى طريقة ..  
لائين - هيه ..

مراد - نحفر الأرض هنا .. ونزل على محالى ..  
لائين - لو كنت فكرت فى حاجة زى دى زمان كنت خدت فيها  
عشر سنين سجن ..

أحمد - ياريت حد طابيل السجن دلوقت .. على الأقل حايلقى فى  
السجن ناس .. مأمور وسجان ومعاون وكاتب  
وباشكاتب .. حايلقى أمل .. يامين يلايى على عشر  
سنين سجن ..

مراد - أعوذ بالله .. قال الله ولا فالك يا شيخ ..  
أحمد - والى احنا فيه دلوقت حلو قوى عاجيك ..  
مراد - على الأقل أحرار ..

أحمد - أحرار فى إيه .. أحرار فى إننا نتجول بين أربع حيطان ..

يا بركة دعاء الوالدين ..

الحاجة في حالة إعياء يرى لها .

مراد - إدعى إن أبواب السماء تفتتح لنا ..

لاثنين - أبواب محالي

مراد - أنا مش قادر أصدق إن احنا مقفول علينا .. لازم فيه

مكان ( يقوم ويتلفت حوله في الجدران في يأس ) لازم فيه

مخرج ..

الحاجة زتوبة - ( صوت متحرج ) يارب إيه أخسرة ده

كله .. إيه أخرة الليل الطويل ده

نفيسة - ( في شأنه ) أخسرتة المجهيم ( في شأنه هستيرية ) المجهيم

للفجار ..

جيجي - ( تصرخ فيها ) أنا مش فاهمة ليه الشاهة دي كلها ..

مانتي معانا في الجحيم اللي احنا فيه ..

نفيسة - ( في جنون ) أنا مش معاكم وعمري ماحكون معاكم .. أنا

باتفرج عليكم .. الدنيا بتوريني فيكم ..

جيجي - معنى قاعدة في لوج .. ف بتوار .. حاتقوني ف تخفروان ؟

ما أنتي حاتقوني في المخروبة دي معانا

نفيسة - يا كفار يا فجار حاشوف عذابكم بعينيه

أحمد - ( في ذهول ) نفيسة ( يقترب منها )

نفيسة - ابعدوا عني .. مش عاوزه حد يقرب مني .. انتم بتعذبوني

( تبكي بحماسة ) بتعذبوني ..

أحمد - ( في عطف ) نفيسة مالك يا نفيسة ..

نفيسة تبكي بحماسة ثم تمسك نفسها .. وتوسع ذراعها ..

وتنظر في وجوه الموجودين وتغمغم ..

نفيسة - مش عايزه أعيش .. ومش عاوزه حسد يعيش .. عاوزه

أموت .. وعاوزه كل الناس اللي في الدنيا تموت .. أنا

مش بحب حد .. ومفيش حد بيحبنى

أحمد - ( في صوت رقيق ) إنت غلطانة يا نفيسة .. أنا بحبك

نفيسة - إنت كذاب .. إنت بتكذب على .. كلكم بتكذبوا على ..

كلكم بتعذبوني .. أنا وحيدة .. كنت دايماً عايشة

وحيدة .. عايشة في غابة ( تبكي بشدة ومرارة ) الدنيا

بتاعتني كانت زى الحمايرة المهذودة .. مفيش فيها طوية

على طوية .. أنا باكرهكم كلكم

أحمد - يرت على كنفها بلطف ( نفيسة

نفيسة تضحك ويجهها في كنفها ولا تحب

أحمد - كلميني ..

نفيسة - مش عاوزة أكلم حد ( تصرخ ) سيبوني لوحدي ( أحمد ينظر

إليها كأنه ينظر إلى وحش جريح ولا يتكلم )

الرياح تعوي بشدة في الخارج .. صوت رعد .. صرخات

خافتة .. جيجي تغطي عينيها ..

( اصوات ) ياساتر ..

أحمد - ( في حمرة ) مش قادر أصدق إن احنا حانثوت .. كلنا

حانثوت .. الدنيا الجميلة دي حاتيق عدم !!! ؟

أحمد يدور حول نفسه ويخطو في حركات آلية سريعة كحيوان

سجين وهو يقدم زناد فكره ..

أحمد - مش معقول .. لازم فيه حل .. لازم فيه مخرج .. مش

يمكن نستسلم للموت .. مش ممكن نموت زى فيران في

مصيدة ..

مراد الذى يدور هو الآخر ويلوح بيديه فى بأس .. يقف فجأة  
ويضئ وجهه كمن تذكر شيئاً .. ويخط على جبهته .

مراد - افكرت

أحمد - إيه .. افكرت إيه ..

مراد - ( فى إنتصار ) المنور

لا يبدو على أحمد إنه يفهم شيئاً ..

مراد - ( موضحاً ) المنور حايروصلنا للبقالة

أحمد - المنور ما يفتتحش على البقالة ..

مراد - ( صوت غامض وبرة ذات معنى ) كان زمان ما بيفتتحش ..

لكن دلوقت الدنيا اتغيرت .. اللي بيفتتحش بقى

ما بيفتتحش .. واللى ما بيفتتحش بقى بيفتتح .. إنت نسيت

إن البيت اتهد ..

أحمد - أيوه صحيح ..

مراد - ( يدور فى المكان باحثاً ) فىن شباك المنور ..

أحمد - على مينك خد السمعة دى معاك ( يعطيه شمعة من

السمعدان ) .. وحانزل المنور على إيه

مراد يأخذ السمعة ويخرج وبأنى صوته من الظلام ..

حاشوف ..

يرق .. رعد .. صوت أمطار هادرة

صرخات خافتة .. جيى وأطفاها يتحاضنون من الخوف

(السيكى- وقد نفذ صبره) وبعدين احنا حانقعد نستنى إيه .. أما

يتطريق علينا البيت

لاشين - حانروح فىن

السيكى- نزل من المنور مدام فيه سكة توصل ..

لاشين - مش أما يرجع مراد يقول لنا لى سكة والا مالقاش ..

شفيق - هو لو وصل لمخالى حايرجع لنا تانى .. ده حايرفش هناك

وبيات .. ومنه مطعم .. ومنه نجياً .. وانت عارفه لما

يلاقى منفعهته ينسى اللي قدامه واللى وراءه ..

السيكى- أى والله صحيح .. دهدى طيب واحنا مستنين إيه ..

يتجه إلى إحدى السموع ويطلعها من مكانها فى السمعدان

السيكى- هو شباك المنور فىن

أحمد - استنى ماتستعجلش أما نشوف مراد عمل إيه

السيكى- (وقد نفذ صبره) قوللى بس شباك المنور فىن

أحمد - خس من الباب اللي عندك ده وبعدين حودع الجين

يخرج وبأنى صوته من الظلام

- أيوه الشباك مفتوح أهوه مطرح منازل مراد

حركة أمل وانتماش بين الموجودين

لاشين - صحيح .. ماتيجوا نخرب حظنا .. تعالى يا جيى

جيى - أنا خايقة يا شفيق

شفيق - ماهى كلها موتة .. لو قعدنا حانقوت م المجموع .. ولو

طلعنا حانقوت برده .. بس حاتبقى عندنا فرصة

جيى - لا .. خلينى أنا مع الولاد .. ولو لقيتو الجسو أمان ..

ابعتوا لنا

السيكى- رجلى على رجلك يا شفيق يا خويا

يخرجان

صوت الريح تعوى بشدة فى الخسارج .. رعد .. ويرق .. يعقبه

صوت أمطار .. سيول كأفواه القرب

مدوح - الدنيا بتشقى

الهام - صوت مطر

عادل - انا خايف

أحمد - تعالوا جنبي ..

جيجى - تفتكر إنهم حايعرفوا يوصلوا لبقالة نحالي ..

أحمد ينظر إليها فى شرود ولا يجيب ..

جيجى - كان حقنا اتشجعنا ورحنا معاهم ..

أحمد - دى مش الشجاعة .. ده الطمع اللي حركهم .

جيجى - ( فى بلاهة ) يعنى مش حايعرفوا يوصلوا للبقالة ..

أحمد - ( مازال شاردأ ) الطمع عمره ما يوصل لحاجة ( يتسمع

صوت الأمطار الهادئة ) سامعة صوت الأمطار :

سيول .. ( ينظر إليها فى حزن ) الميه حائلأ المنور وتغرق

البقالة ومش حايعرفوا يطلعوا تانى ..

جيجى - ( تصرخ ) شفيق .. شفيق .. تجرى ناحية المنور .. وتختنق

فى الظلام .. مازالت تنادى ( شفيق ..

جيجى - ( صوتها أت من الظلام ) الميه نازله سيول .. سيول ..

المنور غرقان لنصه .. الميه بترتفع .. حاتصلنا حاتموت ..

حاتموت ..

نفيسة - ( فى فرح ) نفسى أموت ..

جيجى - ( عائدة من الظلام ) مش عاوزه أموت .. أحمد شوف لنا

طريقة .. شوف لنا حل .. ( تنسبت بأولادها ) بعد ربيع

ساعة الميه حاتمونا .. السبا مفتوحة علينا زى القرب .

( رعد وبرىق وصوت أمطار هادئة ) ..

جيجى - أحمد .. نعمل إيه

.. شوف لنا حل ..

أحمد - نطلع الدور التانى ..

جيجى - نطلع ازاي .. ومنين .. ومفيش سلم .. والحاجه نعمل

فيها إيه ..

أحمد يبيل على الحاجه يتسمع أنفاسها وقلبا .. ينظر فى وجهها مليأ

ومسك نبضها ثم يقول فى هدوء ..

- الحاجه سبقتنا .. الحاجه طلعت فوق .. فوق خالص .. فى

آخر دور .. فى السما السابعة .. ما تخافيش عليها ..

مفيش حاجه تقدر تحصلها دلوقت .. الله يرحمها ( ينظر إلى

أمه فى احترام ) متأسفين يا حاجه مش حاتموت نقوم

بالواجب وتعمل الشادر والصوان .. ساعينا يا حاجة

جيجى - ( تبكى ) أحمد ..

نفيسة - ( ترمى على أمها ) أمى .. حبيبتى .. خدينى معاكى

يا أمى ..

جيجى - أحمد .. إحنا حاتموت يا أحمد ؟؟ .. هى الدنيا انتهت ؟؟ ..

أحمد - لا مش حاتموت .. الدنيا لسه ما انتهتتش .

الرياح تعوى فى الحارج .. الرعد .. البرق .. صوت الأمطار

الهادئة ..

جيجى - وحانعمل ايه دلوقت .. ( أطفالها يبكون ويتشبثون بها )

أحمد - حا نطلع الدور اللى فوق ..

جيجى - ازاي ..

أحمد - حاندور على طريقة ..

ياخذ السمعدان فى يده ويتجول فى الغرفات المهدمة يتفحص كل

مكان وجيجى ممسكة بكتفه والأولاد متعلقون بنياها بينا نفيسة قابعة في مكانها إلى جوار الحاجة زنوبة لاتتحرك . رعد .. برق .. صوت أقطار ..

أحمد - ( بتلفت حوله ) نفيسة فين .. ( تنادى ) نفيسة .. نفيسة .. نفيسة مازالت مرتقيه على أمها .. وهي لا ترفع وجهها .. ولا تجاوب على النداء ..

أحمد - ( صوته مبتعداً في الظلام ) نفيسة .. نفيسة .. المسرح الآن لا يظهر فيه سوى الحاجة الميتة وبنتها .. نفيسة ترفع رأسها وتخطب الميتة في كلام كأنه صراخ ..

- أمى .. انتى فين يا أمى .. ( تهز جسد أمها ) أمى .. العالم اللى انتى فيه شكله إيه يا أمى ..

( تهزها ) الناس اللى معاكى جنسهم إيه .. حد منهم بيحبى .. حد منهم بيحب نفيسة بنتك .. ردى عليه .. جوايبى .. أنا عمري ما سألتك فى حاجة .. ( تنسم نفيسة فجأة وكأنها سمعت شيئاً )

صحيح .. كل الناس اللى معاكى بيحبونى .. بيحبوا نفيسة .. صحيح يا أمى .. طيب .. خدينى معاكى .. استنتينى .. أنا جايه لك .. أنا جايه لك ..

صوت أحمد مازال يتردد في الظلام .. نفيسة .. نفيسة .. ولكنها لا تسمعه ..

صوت مراد يسمع من اعماق التور رفوف

رفوف محملة من كل صنف الأكل حوالينا من كل لون

لكن مش قادرين نطوله

أحنا بنفارق .. بنفارق

كل شئ بيفارق

الأكل قدامنا .. ومش حانطوله

الحقونا .. الميه نازله علينا من كل جانب

أحمد

أخويا أحمد

أخويا

أحمد يطلق كالمجنون يدور حول كل المسالك الممكنة ثم يرتد في بأس

وهو بزأر

مش قادر أنزل

مفيش طريق

الميه سدت كل المسالك

صوت مياه وصوت ايد تطيش في المياه

صوت مراد في صبيحة أخيرة أتية من المنور تحتق نسيئاً فنسيئاً

أخويا .. أخويا .. أخويا

أحمد - ( بنهار في مكانه وهو يغطى عينيه ) يقول أخويا؟؟؟؟

قلتها قلتها متأخر .. قلتها بعد فوات الأوان

رعد وبرق .. ورياح هادرة ..

ريح عنيفة تهب فجأة فتطوق السموع .. المسرح مظلم .. صرخة

رعب .. ثم لحظة .. ثم يبدو أحمد وهو يتجول في غرفة مجاورة حاملاً

السمعذان الوحيد الباقى .. الأولاد مسكون به وأهمهم مراعاة متناسبة

بكتفه .. ويبدو أنه قد وجد سلماً وأنه يصعد .

الديكور يبدأ في الاهتزاز .. زلزال خفيف يشتد شيئاً فشيئاً ..



ريح شديدة تطفئ التسمعدان ويفرق المسرح في الظلام الدامس .  
جيجي - ( تصرخ ) الأرض تنتهب .. السلم يبقع ..

أحمد .. إنت فين؟ .. ياربي ( صوت ارتطام اشياء يعنف )  
أحمد - امسكوا في ياولاد .. تعالوا هنا .. هنا أمان .. أوعدوا  
تنحروا .. ( يسكت صوته فجأة ) ..

الأولاد يكون ويصرخون ..

مدوح - أبيه أحمد إنت فين ..

إلهام - أبيه أحمد ..

عادل - ماما .. أبيه أحمد ..

لحظة صمت .. ظلام تام على المسرح

أصوات ارتطام حادة تختلط بها أصوات أخرى أعمية من نوع  
آخر .. تضاء بطاريات كهربائية شديدة في الغرفات المهدمة .. وتدخل  
فرقة انقاذ .. أربعة أفراد ومعهم رئيسهم بلبسون بدل سموكن وفراك  
غاية في النظافة

في المسرح الذي تضيئه البطاريات الشديدة في كل مكان لا يظهر  
إلا الأولاد الثلاثة على رف من الأرض غير منهار ..

لا أحد من الوجوه القديمة ..

كل الموجودين هم أنسخاص بلا إسم فرقة الإنقاذ .. وهم يعيدون  
تركيب الديكور في خفة وسرعة .. بعضهم يحمل معاول وبعضهم يحمل  
فرش طلاء .. وبعضهم يحمل أدوات كهربائية وكابلات وبعضهم يحمل  
سلام .. وهم يعيدون بناء المسرح المتهدم بسرعة وحقق ..

صوت الريح في الخارج يبدأ .. والأمطار تنقطع .. ولون السماء يتغير  
من الحمرة المتوهجة تدريجياً إلى الزرقة الصافية التي يتدفق منها نور  
الفجر ..

واحد من فرقة الإنقاذ يحمل النجفة المصطمة ويعيدها إلى مكانها  
بالسقف .. ويوصل لها الأسلاك .. ويصلح العطب في التيار فيعود  
النور الكهربائي ليغمر المكان .. والآخر بعيد الصور إلى مكانها ..  
ويركب الستار .. والثالث يرفع الدولاب .. كلهم بلبسون سموكن  
وسترات رسمية .. كأنهم سلك دبلوماسي .. حركاتهم وقورة .. وجوههم  
صارمة جادة كل شيء يجري إصلاحه بسرعة ودقة حتى الكراسي  
المصطمة يعاد ترميمها ..

ملابس الفرقة في غاية النظافة بالنسبة لأعمال الإصلاح التي يقومون  
بها .. وهم يقومون بأعمالهم في هدوء مريب بدون كلمة وبدون ابتسامة  
نراهم يتحجبون إلى الأطفال ويقدمون لهم قطع الحلوى .. لا يظهر أثر  
لأذى واحد من أبطال المسرحية .. كلهم اخفوا .. لا أثر لأحد ..

الأطفال الثلاثة هم الوحيدون الذين بقوا على قيد الحياة ... نرى  
رئيس فرقة الإنقاذ يأخذهم بين ذراعيه .. يخرج بهم من المسرح وقد  
أعطانا ظهره .. ومن خلفه تتحرك بقية الفرقة بعد أن أعادوا المسرح  
إلى حاله .. نرى المسرح خالياً لمدة لحظة زمان .. ثم تنزل سستار  
الختام ..

هذه النسخة حصرياً

لمنتديات المكتبة العربية

[Http://www.TipsClub.net](http://www.TipsClub.net)